

# رواية عز الله ان حبي لك اكبر نقيصه

موقع ويكي الخليج

المقدمة:

إذا كان العشق بوابة لامتهان الذات....  
إذا كان العشق رحلة عذاب ماتنتهي....  
إذا كان العشق قدم تدوس على الورد....  
إذا كان العشق مجرد وسيلة للانتقام....  
إذا كان العشق كذبة اخترعناها بعقولنا....  
إذا كان العشق هو سخرية القدر منا.....  
إذا كان العشق ذبابة مزعجة تدور حولنا....  
إذا كن العشق الكاس الي امتلت بدموعنا.....  
إذا كان العشق اللعبة الي انلعبت علينا....  
إذا كان العشق مثل نبات الصبار باشواكه....  
إذا كان العشق بطعم المر والعلقم...

وقتها يكون اكبر نقيصه!!!

الفصل 1

"تصادم...حياة في الجحيم...وخطط"

بين ربوع ايطاليا...وف قرية ساحرة الجمال...ومميزة من نوعها...ولها مناخ اكثر من رائع في معظم ايام السنة...  
على حدود ميلانو...تقع هالقرية..وهي معروفة بطبيعتها الخلابة...حتى انها تنتج مياه نقية بنفس اسم القرية...  
يتكلمون اهلها اللغة الفرنسية لكسر تعصب الايطاليين للغتهم الأم...ويندر انك تلاقى احد يستخدم الايطالية في ذيك القرية...

تأكدت من لبسها للمرة الرابعة... اليوم عندها موعد مهم... مو اي موعد.. نقدر نقول موعد العمر..  
اخيرا.. وافقت مدام " لولا" انها تشوف تصاميمها... وتشوف اذا تناسب زباينها او لا... واذا اعجبتها راح  
تعرضها بالبوتيك حقها.. وهذي فرصه رائعه لأن مدام لولا مو بسهولة توافق على اي مصمم... خصوصا  
ان البوتيك حقها معروف بتميزه ومايدخله غير الناس الشباع البطرانين...

"مارية"  
العمر 27 سنة

مست تنورتها المقلمة البيج بخطوط رفيعه سودا ومزينه بكلفه دانتييل من آخرها... وسكرت ازارير  
الجاكيت الاسود المخملي بحذر...  
طالعت بشعرها الاشقر... وترددت وش تسوي فيه؟؟.. وبالأخير قررت انها تخليه سايح مثل  
ماهو... والحمدالله انها لفت اطرافه امس بالمكر...  
زينت عيونها بشوية ماسكرا شفافه... وحطت روج وردي باهت... وشالت شنطتها الصغيرة واخذت  
ملفها.. وابتسمت مشجعه لنفسها في المراية...  
قعدت تمثّل شوي على روحها وهي تبتسم لنفسها ابتسامه واسعه  
: بونجور مدام.."  
تهتدت وهي تغمض عيونها وتشوف نفسها مصممة كبيرة تمشي على خشبة العرض وتحيي الناس اللي  
متلفه عشان تشتري لو قطعه صغيرة من تصاميمها...  
وبعد ماخصلت احلام اليقظه... قررت تطلع من غرفتها الصغيرة.... بعد ماخذت قبعتها المخملية السوداء  
اللي فيها شريطة معقودة على شكل فيونكة...  
...فتحت باب الغرفة بحذر... وقفلته بسرعه...  
اليوم دورها تسوي الفطور... واهي صراحه ماتبي اي روائح تلتزق فيها... والمصيبة ان صاحبة البيت  
شديدة بقوانينها... ومن قوانينها ان الشغل يتوزع على كل المستأجرين.. و" مارية" وحده من  
المستأجرين...  
مشت على اطراف اصابعها.. وهي تمر من قدام غرف النوم... وقامت تدعي بحرارة ان ماحد يشوفها وهي  
تتسلل بهالشكل المهيّن...  
وصلت اخيرا للدرج.. فأخذت نفس عميق... بس سمعت صوت باب يفتح من وراها... جمدت عن  
الحركة.. لدرجة انها وقفت تنفسها... بس بالأخير كرامتها خلتها تلتفت عشان تشوف الشخص اللي واقف  
وراه... واللي مناطق حرف..  
وابتسمت براحة وهي تشوف " كلاريسا" بنت صاحبة المنزل.... "كلاريسا" طالعتها ببراعة الطفولة اللي  
شايلتها بقلبها اللي عمره ثلاث سنوات.. وكانت ماسكه الباب وهي فاتحه فمها وببيدها الثانية شايله دبحا  
البنى...  
راحت لها... "مارية" وشالتها وباستها بنعومة على خدها... ورجعت نزلت الدرج وهي ماسكتها وطبعا  
كانت تنزل بحذر عشان صوت كعبها العالي...  
وصلت للدور الاول... وحمدت ربها انها ما شافت اي احد جالس... زين يمد يدها تطلع وترجع قبل ما

يصحون بأذن الله...  
جلست "كلاريسا" على كرسي مخصص لها... وسوت لها كورن فليكس بسرعه... وباستها على خدها  
ووعدها تجيب لها حلاوة...  
طلعت من البيت... وزادت من سرعة خطواتها وهي تطالع ل شبابيك البيت... شافت زوج صاحبة البيت "  
ايمانول"  
وحست بخوف وهي تشوف نظراته القذرة لها... وهو يدخن ببطء... ويبتسم لها.. واسنانه القذرة  
الصفراء.. تقززها وتحسسها بغثيان...  
صدت عنه... ودخلت مع اول لفة تشوفها عشان تختصر الطريق...

طالع بواجهة المحل.. واعجبته الشغلات الصغيرة اللي يعرضونها... كانوا عارضين اشياء فنية شكلها مرة  
مميز وغريب... واكثر شيء عجبه تماثيل السيراميك الصغيرة اللي قدامه... راح تعجب اخته  
"نورس" كثير... خصوصا انها مهووسة بجمع هالاشياء...

"سعود"  
العمر 33 سنة

رجع شعره الطويل شوي ورى بعيد عن وجهه... وقرر يدخل المحل... اول مادخل المحل... تعالى صوت  
الأجراس الصغيرة فوق الباب..  
وظلعت له صاحبة المحل من بين المرايا بشكل مفاجيء... كانت صاحبة المحل حرمه عجوز... مليانه  
مرة... ونظراتها حنونة..  
ابتسم لها سعود بأدب.. وهو يمشي بين الأغراض الكثيرة اللي موضوعة بشكل عشوائي..  
كانت اغراض مختلفه ومجمعه بأي شكل... يعني اشياء مالها علاقة ببعض.. لكن اشكالها غريبة.. وواضح  
ان صاحبة المحل تجمع اغراضها من بلدان مختلفة..  
مسك تمثال على شكل عروسه كبير حجمها.. يمكن توصل تقريبا بحجم الكف... يعني عادة هالعرايس تكون  
مرة صغونة.. وقام يقلبه بين كفوفه... كان شكله مرة غريب... الشعر الأسود العجزي.. طريقة رسمة  
العين... استغرب.. دايم هالعرايس تكون شقر وعيونها ملونة.. فقرر يسولف مع صاحبة المحل شوي  
ويسألها عنه... بس قبل لا يتكلم.. تكلمت هي وقالت بصوتها المرتعش شوي وبالفرنسية  
: هالقطعه فريدة مرة.. ومن حسن حظك انك شفتها.. لأنني اليوم بس قررت ابيعها.. مع اني لي فترة  
مشتريتها من الصين.."  
سأل سعود ب اهتمام  
: وش سر اهميتها؟؟"  
ردت وهي تقرب منه وتمسك القطعه بحذر

: يقولون تجلب الحظ الحسن...لذا ماكنت احب اني ابيعها..بعدين جمالها يخليني ارجع واعيد النظر فيها كثير...لذا كنت مخلبتها زينة في بيتي...."  
سعود وهو يبتسم باستخفاف  
: اها..بكم بتبيعينها علي؟؟"  
ورجع اخذ منها العروسة وهو عارف انها راح ترفع السعر مرة  
قالت العجوز بلا مبالاة مبلغ كبير مرة بالنسبة لسعر هالقطع...وصدت عنه...  
ما خالفها سعود..لأنه متعود يدفع في بلده بدون مايكاسر...ومع انه عارف انها قاعده تضحك عليه من جواتها..اعطاها المبلغ..وشال العروسة...بس قبل لا تعطياها اياه...اخذتها ولفتها باهتمام وبحذر...كنها انसानه حقيقة وحطتها داخل عبة انيقة واعطتها له...اخذها وجواته ضحكة على خباله هالعجوز وعلى نفسه بعد...  
اه

صرخت وهي تشوف كلب كبير يركض جهتها..نست كل مظاهر الركاده والثقل اللي تمشي فيها من اليوم...حتى نست ان كشختها راح تخترب لو تجرأت وركضت...ومع هذا سلامتها كان الشي الوحيد اللي فكرت فيه بذيك اللحظة..ركضت بدون توقف وهي تناظر وراها...والكلب الكبير الضخم يلاحقها وشكله مبسوط ويحسبها لعبة!!!كان شكله مقزز ولسانه طالع بره وسعابيله!!..وععععع..هذا اللي فكرت فيه مارية وهي تدور النجاه منه بأي طريقة...  
تعدت الناس وهي حاظه يدها على قبعتها..وماسكه ملفها بقوة...وطبعا كانت تصقع فيهم...ويطالعون فيها بنظرات قاسية...بس تعتذر على طول بصوتها الفحمان!!  
:"I'm sorry...sorry mam...sorry sir..."  
هذا اللي كانت تردده...ومن فجعتها نست انها بايطاليا..ونست ان هالقرية يتكلمون فرنسي...يعني هم اللحين يعتبرونها قمة الوقاحه!!

بس ماكان عندها وقت تترجم لهم كلامها...واكيد طبعا الطليان يفهمون كلمة!!sorry  
شافت رجال طويل وعريض قاعد ينزل درجات محل...ويوقف بالشارع يطالع بالسما برواقه...التفتت وراها وهي خلاص بنموت من كثر ماهي فحمانه..حلقها جاف..وفمها مفتوح...ودقات قلبها تتصاعد بسرعه جنونية...لدرجه انه شوي ويوقف...  
ماقدرت تمسك نفسها او توقف خطواتها وصرخت بأعلى صوتها  
:اه...."

عشان يبعد...بس الرجال اكنفى انه لف ببرود عشان يشوف مصدر الصوت...وفتح عيونه مفاجوع وهو يشوف البنت اللي مدرعه جهته...قبل لا يفكر وش يسوي؟؟..يلحظات بس...بثواني بس..برمشة عين..مثل مايقولون..كان التصادم...  
طاخ



غريب... سحر مميز من نوع ثاني.. يمكن نعومتها؟؟!! .. رقتها؟؟!!.. حساسيتها؟؟!! صوتها المبحوح  
الغريب المضحك!! غمازاتها الحلوين؟؟... ما يدري... بس عرف انه يبي يتعرف على هالبنات...  
قال وهو يساعدها: "you have 2 go to hospital."  
قالت "مارية" وهي تحاول تصحى من السحر اللي صابها  
:"may be..."

=may be يمكن...

ورجعت فتحت عيونها وغمضتها بقوة.. وش قاعده تقول اهي؟؟..  
لاحظ "سعود" سرحانها وقال بنعومة وهو عارف تأثير صوته زين على البنات  
:"the hospital:؟؟"

قالت وهي تغمض عيونها وبتوتر

:"no...no...nono...OOO"

وفتحت عيونها وخبطت جبينها وهي تفكر بموعد مدام "لول"...

قالت وهي شوي وتصيح

: مدام "لول"..."

سعود بعدم فهم

:"so:؟؟"

قالت وهي تحط يدينها على عيونها بتوتر لدرجه انها تكلمت عربي ولا انتبهت

: راح...اه...راح...اه...راح عليي...."

وقامت تصيح من جديد... والدموع تسيح على وجهها الاسمراني... حاول "سعود" انه يفهم سبب بكائها

بس ماقدر... كانت تاشر باتجاهات مختلفه وتصيح... وعيونها حمرت.. ووجهها حمر

... وصارت مزعجه بالنسبة ل"سعود".. اللي كان مستغرب من انها عربية وه اللي توقع انها ايطالية.. بس

ما تهمة سواء كانت عربية او غيرها.. هذي وحده قلق.. خلني ابعدها واروح...

قال "سعود" وهو يطالع بساعته بعجالة

: معليش "I've 2 go..bye...."

راقبته "مارية" وهو يروح من قدامها بسرعه وكأنها حشرة مزعجه قابلته... وزاد صياحها اكثر

وعلا... وحست بقههر من ايش ما تدري؟؟

: اه..."

مر رجال من جنبها... ووقف يطالعها وهي تصيح... فناولها منديل وراح بطريقه

.. طالعت فيه مشكورة... ومسحت دموعها وشالت ملفها وقامت تجر رجلها اللي تألمها عشان توصل لبيت

"لول"...."

في الصحراء

وبين التلال الذهبية...

والجبال الشامخه اللي شوي و تلامس السحاب

...بين الذباب والسباع الشرسة...

...في صفاء الجو...

...وبعده عن التلوث...

...في البساطة بكل اشكالها.

..بالبعد عن مظاهر الحضارة كلها....  
لمن الشمس تتعاقب بنعومة مع الجبال وتشكل اجمل لوحة برية...  
لمن نشم روائح الاعشاب العطرية بعد رشة مطر خفيفة من فترات لفترات...

ابتسمت بطيب لاخوانها اللي كانوا يلعبون قريب منها... كانت منهمكة بالعجن... عشان تسد جوع  
هالناس.. اللي اهي تعتبر نفسها مسؤولة عنهم... اساسا كل فرد في عايلتها يعتبر نفسه مسؤول عن  
الباقيين... حتى الأطفال الرضع مافيهم اي انانية.. طبعاً باستثناء مرت ابوها..

"مضاوي"  
العمر 17 سنة

مسحت جبينها بتعب... وهي ترجع تركز بالعجين اللي بيدها... ياما تساءلت جواتها اذا مكتوب لها تعيش  
حياة مختلفه عن امها ومرت ابوها...  
تعيش مثل ماتسمع بالقصص من مرت ابوها اللي كانت عايشه بالمدينه (اي مدينه...) ..كانت تعلمهم عن  
اشياء لا يمكن يتصورونها حتى لو بالخيال...  
اشياء يعتقدون ان مرت ابوهم تبالغ لمن تقولهم عنها...  
ياما حاولت في رجليها انهم ينقلون لكن جوابه دايم وابد...الرفض...  
بالنسبة ل "مضاوي" تموت بعيشة الصحراء... ولا تبي تروح لمكان ثاني...مثل مرت ابوها...بس عندها  
شوية فضول...ودها تشوف ذاك المكان...اللي يسمونه مدينه...ودها تشوف الناس كيف هم  
فيه؟؟...يشبهونهم او لا؟؟...تفكيرهم مثلهم او لا؟؟...لبسهم مثلهم او لا؟؟...  
قامت تحط العجين على الصاج بعد ما فردته باصابعها...وتقلبه بسرعه...وتحطه على جنب..بصحن  
كبير...كانت تشتغل بمهارة وبسرعه فضيعة..متعوده على هالشيء من كان عمرها عشر سنين...يعني لها  
سبع سنين وهي تسوي كذا...  
جات يمها مرت ابوها وقالت بصوت عالي مثلهم كلهم..وطبعاً كل العيلة اصواتها مرتفعه  
: خلاص..كافي اللي سويتيه...دسي باقي العجين..كود نحتاجه باكر..."  
قالت مضاوي وهي تحس بقرصة جوع اليمه  
: ان شاء الله خالتي...بس..."  
ردت مرت ابوها بشراسة وهي تشيل الصحن يمها هي وعيالها  
: وشووو؟؟.."  
مضاوي وهي تطالع بامها المريضة والمتمدده داخل بيت الشعر  
: امي...ابي لها شوي.."  
مرت ابوها ببرود وهي تقطع قطعه صغيرة مرررة من الفطير  
: خووذي...يله..تحركي من قبالي... مابي اشوف وجهك هنيا..."  
قامت مضاوي وهي تدعي على مرت ابوها الظالمه  
...وظفت النار اللي كانت شابتها...وخلت الصاج مكانه...  
ماهي قادره ترفع صوتها عليها

...لأن ابوها مرة يوم درى انها تهاوشت مع مرتته  
...ضرربها بقوة...وخلاها تنام بحوض الددسن...وهي تجربه ماتبي تعيدها...  
راحت لأمها اللي كان واضح انها تعبانه خصوصا انها توها مولده وجايبه بنت زي القمر..  
: يممه...قومي كلي لك لقيمه تسد جوعك..."  
امها فتحت عيونها الواسعه ببطء  
: مابي...انا عطشانه يا بنيتي...عطشانه..  
راحت "مضاوي" لقربة الموية اللي كانت داستها عن مرت ابوها الشرائية  
...وودتها لمها..  
شربت امها بلهفة وكان واضح انها فعلا عطشانه..  
قالت "مضاوي" وهي تحك ذقنها من تحت البرقع  
: بسوي لك شوية تميرة مع مضير..."  
مضير = اللبن المجفف...  
هزت امها راسها وهي ترجع تمدد جنب بنتها الصغيرة اللي مالها ثلاث ايام  
...قامت "مضاوي" وراحت للأغراض اللي حاطينها وري بيت الشعر وبالليل يدخلونها..  
كانوا بس يجيبون من المدينة الطحين والتمر والقهوة والرز...  
طلعت التمر وهي تفكر بحظ امها المقرود  
...وتطالع بمرت ابوها واخوانها الصغار اللي تجمعوا حول امهم...  
صح انها ماتكره اخوانها وتموت عليهم  
...بس مرت ابوها..هي اللي تبي تكرهم في عيالها عشان تبين لرجلها انها هي الصح...وانها مظلومه  
ومسيكينة..  
مسكينة يا ميمتي..فكرت "مضاوي" بحسرة من جديد بحظ امها  
...ربي كتب على امها انها ماتجيب الا البنات...  
والولد الوحيد اللي جابته مريض  
..والعيال الباقيين اللي جابتهم ماتوا كلهم من ثاني يوم بولداتهم...وبعضهم اسقطتهم بالثامن والسابع..  
تبيلت عيون مضاوي بالدموع...  
وهي تطالع بأخوها المتخلف عقليا...  
...ماكانوا فاهمين وش علتة...  
..اهي تحبه وتموت فيه..  
بس ابوها يكرهه وامها تكرهه رغم طبيعتها..  
كلهم يكرهونك يا "عبدالله" الا انا..ايه..هي تحبه حيل  
...حتى انها هي اللي سمته يوم كلهم تركوه وراحوا بعد ماشافوه  
..بعد ولادة امها على طول...  
تنهدت للمرة المليون وهي ترجع تركز بشغلها والشمس متسلطة عليها وتحرقها بقوة...والحر بمثل  
هالوقت ماله مثيل...خصوصا ان الشمس تنتصف السماء..وتبث اشعتها الخطرة...بس سبحان الله ربي  
حاميم..

في عاصمة المملكة  
في أحلى مدينة بالوجود  
في الرياض

في قصر فسيح...لناس اغنياء جدا...  
قصر خرافي...كله خدم وحشم وعالم...  
..تعيش عابلة سعود...

ركزت بالخاطرة اللي كاتبتها..وحاولت تصححها..شالت كلمات وحطت كلمات ثانية..ورجعت صحت  
اخطائها الأملانيه والنحوية...  
وبعد ما تأكدت انها خلاص خلت من الأخطاء اللي كل مرة تغلطها ويحذرها محرر المجلة منها..  
ارسلتها بالفاكس...

"نورس"  
العمر 18 سنة

قرتها من جديد بفخر وبصوت عالي وهي تتأمل الكلمات اللي تتراقص قدام عيونها...  
واللي انكبتت من قلب عطوف محب..يختلف عن معظم القلوب اللي تعيش بينا هالايام..ومن قلب يتمنى  
يحب وينحب بكل صدق...

قضيت العمر عن روعي ابحت حثيث الخطى ليس لي مضجع  
تائها في صحارى الهم اظماً فمن سراب الى سراب اخذع  
ليل الخطوب قد بدات دائما وظلام المحن للفجر يمنع  
وأمسى الربيع خجلا بلا زهر فقد طال شتاء الهم ويقع  
ميتا اعيش وما حان الأجل صريع الفؤاد وعن حبي امنع  
وحيدا والناس حولي كثر ودنياي ضاقت والدنيا اوسع  
اه من حزن لا يمل صحبتي فقد مل الصبر ومني يهرع

دقت على صديقتها وبنيت خالتها الحبيبة لقلبها مرة " ديمه"...وهي مبسوطة بنفسها..يا كثر رسايل  
المعجبين والمعجبات اللي توصلها عن طريق المجله..كل يوم تثبت انها مميزة بمجال  
الخواطر..وهالشيء يطربها ويحسسها بتميز ماله مثيل...ويذكرها بأحب الناس لقلبها" سعود" اخوها بعد  
عمرها...اللي اهو فنان بعد...يعني بس اثنين في العايله حساسين ورقيقن وفنانين هم "نورس"  
و"سعود"...

: الوووو...  
"نورس" بفرح وبرقة: الو.."

"ديمه" بهدوء: هلايك "نورس" حبييتي..وش اخبارك يالقاطعہ؟؟"  
"نورس" بلهجة اعتذار حارة: اعذرريني يا كل الغلا...بسس..كنت مشغولة هالأيام...يوووووه يا  
"ديمه"...لو تقرين الرسائل اللي توصلني..واو..كلها روعه واحاسيس.وش اقرا لك وش اخلي لك؟؟..."  
"ديمه" بسعاده صادقه: من جد؟؟..اخيرا بدت الرسائل توصل لك...تذكرين من متى تنتظرينها؟؟"  
"نورس" وهي تتذكر ايام الاحباطات لمن كانت تنرمي الرسائل بوجهها وترجع لها من جديد...وترفض  
المجلة تعرض لها اي خاطرة...وبعدين تذكرت لمن دقوا عليها فجأة ورحبوا بهالشيء...فكان احلى حدث  
في حياتها...تذكرت بعد يوم كانت تنتظر كلمة اطراء وحيدہ...بس ماكان فيه احد يفكر يرسلها او يعجب  
بافكارها...حتى لمن نشرت في النت...كانت نفس النتيجة...بس هالحين...لاع...كل شيء اختلف...صارت  
اشهر من نار على علم  
"ديمه": ياهوووووووووه..وينك؟؟"  
ردت "نورس" وهي ترجع من افكارها: هلا عيوني...انا هنا.."  
"ديمه" بنعومة تقلد صوت نورس: انا هنا.."  
ضحكت "نورس" بخجل: ديببيمه...ههههههه..يله انا لازم اقبل...بس حبيت اقوولك...اني نشرت  
خاطرة جديدة بعنوان صحراء السراب...اقرريها يا قلبي.."  
"ديمه" بتأكيد: ولو..اكيد اول ماتنزل المجلة بروح اقراها...يله حبييتي...باي"  
"نورس": باي.."

تنهدت براحة..وهي تضغط تم الأرسال...عرفت انها راح تصيب الهدف كالعاده...الشيء هذا صار عندها  
مرة سهل...صارت تجيده مثل اي هواية الانسان يجيدها...فيه ناس تحب ترسم... فيه ناس تحب  
تطبخ...فيه ناس تحب تحش...فيه ناس تحب تكتب...بس هي لا...اهي تحب انها تستدرج الرجال للفخ  
اللي اهي تحطه بارادتها...الفخ اللي مايطلعون منه ابد..

"هيفاء"  
العمر 20 سنة

رمت جوالها بلا مبالاة على السرير..وهي تقوم تروح لمرايتها...وقفت عند المراية وتمت تطالع  
بوجهها....  
مرت اصابعها النحيفه على ذقنها..وازعجتها الحبة الصغيرة اللي طالعه هناك...راحت خذت كريم  
للحساسية من فوق التسريحة...وحطت منه شوي عليها...وقامت تدلكه بنعومة...وبعد ماخصلت من  
هالمهمة الصعبة...^\_^  
مسكت المشط وقامت تمشط شعرها الكيرلي...المتشابك بصعوبة...كان كثير وبني غامق...وملفوف لفات  
عريضة وكثيرة...

ماكانت تشتكي منه ابدا..كان يعجبها مثل ماهو..تحبه بهالشكل...ولا تتخيل شكلها بالشعر الناعم...اهي  
من الحريم اللي راضيات بكل مافيهن...راضية بجسمها الخيالي...راضية بوجهها الجميل...راضية بشعرها  
الصعب التعامل...  
قدرت تفك عقده بصعوبة...ورفعته كله ذيل حصان...وفتحت الدولاب تشوف لها لبس انيق...وراها طلعة  
للنادي عشان تقابل صديقاتها...  
طبعا هيفاء عندها الطلعات كل يوم وبدون حسيب او رقيب...ولا احد يمنعها من خرجاتها...واهي لو امها  
حبت تفهرها بس تمنعها من الطلعه..البنت ينجن يجنونها وتقع تدور في القصر وتزن عليهم لين  
يرضون ويوافقون على خرجتها...

## انتهى الفصل 1

سعود ومارية تقابلوا....  
لكن هل راح تحصل بينهم صدف ثانية؟؟؟...  
مضاوي وحياتها مع مرت ابوها والجحيم الصحراوي  
هل راح تكتب لها النجاح منه؟؟...  
نورس وخواطرها الرقيقة  
هل راح تشتهر اكثر من كذا؟؟..وهل راح تستمر الامور بالسهولة ذي؟؟..  
هيفاء وخطتها اللي مالها نهاية  
هل راح يجي يوم وتطيح بشر اعمالها؟؟

## الفصل 2

" صدمة اليمه...لقاء قدري...استاذ معجب!!"

"...يا اهل هالبيت باشكي ببتكم  
...تعبت روعي والله بصدها...  
اقسمت قلبي اهي لقسمتين...  
نصف عندي...  
ونصف باقي عندها...  
يا اهل هالبيت شوفوا حالتي...  
صار لي من العام ناظر وعدها  
...البشر تسهر كم ليلة وتنام  
...وانا كل عمري سهر من بعدها...  
ارضعتني الحب واسقتني الغرام  
...واسقت احساسي انا من شهدها..  
..وفطمت قلبي وهو توه صغير..  
..كن قلوب الناس لعبه بايدها..  
..

في غرفة نومها...

تمايلت "هيفاء" على انغام الأغنية اللي جاتها اهداء من معذب من المعذبين اللي تتلاعب فيهم... كانت تفرحها دموعهم... تحس بسعادة من نوع ثاني... لمن تحطم هالقلوب... نشوة غريبة.. فرحه شريرة... حاجه اهي معترفه انها غير طبيعية... كانت تنتقم من كل البشر... وكأنها قاعده تنتقم منه... مع انه اهو رحل وانتهى... ومات وشبع موت... لكن هالشيء ما خلاها تغفر له... خلاها تدوره وسط هالرجال.. واول ماتلقاه تخطط وترسم اشد الخطط فتك.. وتنفذ كل شيء بحذافيره... وراح نعرف بالفصول الجايه بالتفصيل كيف "هيفاء" قدرت توقع اغلب الرجال بشباكها....

سمعت طق على الباب.. قالت بأعلى صوت: ادخل... انفتح الباب بهدوء... وشافت وجه امها يطل عليها.. ابتسمت لأمها بحب.. كل شيء في الدنيا الا امها.. لها غلا غير البشر...

ابتسمت "هناء" بنعومة وهي تراقب وجه بنتها المبتسم: وش عندك؟؟.. رافعه الصوت على الأخير... وجلست على طرف السرير الفخم اللي مفارشه كانت باللون الأحمر ومطرزه بالذهبي... وهو لون هيفاء المفضل...

"هيفاء" وهي تبتسم بسعادة: مبسوطة مرة.. بس... وهذاني بقصر الصوت علشانك... وقصرت الصوت على طول...

"هناء" بحنان الأم: ان شاء الله دووم حبيبتي... وش سر هالسعادة؟؟.."

"هيفاء" وهي تغمض عيونها: مدري... احس أنني مرتاحه... بدون اي سبب..."

"هناء" وهي تبعد شعرها الناعم الاسود اللي فيه خصلة حمراء ناعمه.. عن وجهها:

طيب.. امم... بتروحين معي عرس بنت عمك؟؟"

"هيفاء" وهي تبتسم بخبث: طبعاً.. يا ست الحبايب.. اكيد راح اروح...."

وغمضت عيونها وهي تتذكر الخطه اللي رسمتها... هالمره على زوج بنت عمها...

طبعاً بنت عمها لا تستغربون... اللي ياما اشتمت فيها... لازم تذوقها من النار اللي ذاقتها من سنتين...

"هناء" بقلق: بسس.. مدري.. يا حبذا لو انك تجلسين في البيت... تعرفين المشاكل اللي صارت بينك وبينهم من سنتين.. لسه صداها موجود..."

"هيفاء" وهي تكذب: يا بعد عمري يا ست الحبايب يا اغلى البشر.. انت عارفه اني انسى على طول... ولا اشيل شيء بقلبي... صدقيني اني مشفقه عليها.. لا اكثر ولا اقل... عاد مسكينه طقت الثلاثين وتوها تعرس.."

ابتسمت "هناء" بتوتر وهي تقوم من على السرير... اهي ادري الناس بحقد بنتها على قرايبها:

خلاص... بتنزلين السوق.. ولا عندك شي تلبسينه؟؟.."

"هيفاء" وهي تمد بوزها بتفكير: لالا لا بنزل... لازم اشترى حاجه مناسبة للزواج... كل ملابسي قديمه.."

"هناء" وهي تهز راسها باقتناع: قبل لا تروحين السوق مريني وخذي الكريدت كارد.."

هزت "هيفاء" راسها لأمها... ورافقتها للباب... واول ماطلعت امها فقلت الباب واركت عليه

بفرح... وغمضت عيونها بطرب.. راح اذوقك من نفس النار اللي ذوقتيني اياها..... والله لخليك تبكين بدل الدموع دم...

## الصحراء

في وقت العصر...والشمس مقاربة على وقت المغيب...والجو رائع...ومنظر الوان الغروب سحر رائع...تمازج اللون البرتقالي والأحمر والاصفر مع شوية سماوي...ولا اجمل من لوحة لأفضل رسام...لوحة الطبيعة خطتها ف مالها اي مثيل....

كانت "مضاوي" تمشي مع اختها "فضة" والابل من جميع الاشكال والالوان تمشي قدامهم وجنبهم... مجاهيم ووضوح ومغائير....وحوير وبكار...ومنظرهم غاية في الروعة...وهي تمشي بتهادي راجعه لمكانها..

منظر يخلينا نتأمل بخلقتها بدون ملل او كلل....وكل مرة نكتشف فيها اعجاز مختلف عن الاخر...  
" افلا ينظرون إلى الإبل كيف خلقت؟؟"  
صدق الله العظيم...

وكان بنفس الوقت..فيه اربع جيوب جايه من بعيد...وواضح انهم كانوا مخيمين حول المنطقة...  
مضاوي وهي تأشر على الجيوب وهو منظر متعودين عليه: ما ودك في يوم تركيبين فيهن؟؟"  
فضة وهي تضحك: ههههه...يا وختي خلي احلامك على قدك.."  
مضاوي وهي تمط شفتها: وش بلاها احلامي؟؟....ماتشوفين هالناس اللي يجون يمنا ويخيمون كلهم يركبون فيهن..."

فضة وهي تطالع بأختها وتوقف: يا مضاوي يا قليب...خلك عاقل وبلاش هالكلام...تري عمرنا مراح نتحرك من هنيا..."

مضاوي بضيق: من حقي احلم...!!"  
وكملت وهي تتنهد: بدل هالحياة اللي نعيشها...ماصارت يا فضة...اهي منثبرة بمكانها طول الوقت...وانا نكرف مثل الحمير..."

ماردت عليها فضة لأنها عارفه ان الكلام بهالموضوع لا يأخر ولا يقدم...وعارفه ان مرت ابوها مراح تشتغل بيوم...مادام ابوها ما يأمرها ولا يقولها حرف واحد....

مرت الجيوب من قدامهم...فطالعت " مضاوي " بفضول في اصحابها...كانوا عوائل فيهم حريم ورجال....واطفال..

الحريم كانوا كاشفات عن وجيههم...تأملت مضاوي اشكالهم وحست انهم كائنات غريبة عنهم...من وين لهم هالبياض؟؟؟...والخدود الحمراء؟؟؟...وانا ليش مانكون مثلهم؟؟؟...فكرت مضاوي وهي تطالع بيدنها.. وتسمعت بفضول للاصوات الطالعه الغريبة من الجيوب...وكانت ما تميز اصوات الموسيقى...وتعتبرها شيء عجيب...

قالت يوم بعدت الجيوب لفضة: سمعته؟؟؟...يا زين ذاك الصوت...شي(ن) عجيب..."  
فضة وهي تتجاهل هالموضوع: مالنا والصوت...خلي الصوت بحاله!!"

مضاوي تضايقت من سلبية خواتها...ليش ما يفكرون مثلها؟؟؟...يعني معقولة اهي مختلفه عنهم؟؟؟...طيب كلهم عاشوا نفس الحياه...ومن نفس الأم...ومن نفس الأب...وعاشوا جنب بعض...ولا تخلوا عن بعض...مع هذا هي الوحيده اللي تفكر باهل المدن وتبي تصير مثلهم...!!  
وصلوا اخيرا لبيت الشعر....بس لاحظوا وهم مقبلين عليه...دسن...واقف عند شق الرجال...

طالعت فضة ب مضايوي : اكيد ضيوف..بس وش جابهم هالوقت؟؟...كنه متأخر...؟؟..."  
مضايوي باستغراب: ضيوف؟؟...ما اتوقع يا وخيتي...يمكن قراب الحيه؟؟..اهم اللي يجون  
بهالوقت...لأن ديرتهم بعيدة..."

فضه بزعل: عيب...عيب هالكلام...استحي ذي ام اخوانا...والله يحيهم كانوا هم ولا ماكانوا..."  
مضايوي وهي تهز راسها: نسيت...غصبن علي اقول كذي...الموهيم...امشي نعجل...اخاف ابوي يطلع  
بعقاله وهو يشوفنا نمشي على راحتنا كن ماورانا شغل!!"  
وراحوا بسرعه يم شق الحريم...واول ما دخلوا لقوا مفاجأة غريبة مرة!!

## القرية الايطالية

في شوارع صغيرة يتمشون فيها العشاق وهم متعانقين...وناسين هموم العالم كلها..واهم مافي الدنيا بذيك  
اللحظات سعادتهم وبس...

كان سعود يمشي وهو لابس معطف اسود ومدخل يدينه بجيوبه...كان ضايق خلقه مرة...خصوصا انه  
يمشي بهالمنطقة اللي كلها عرسان بشهر عسلهم...او حبايب سوه..عالم رايقه عايشة تحب وتتحب...  
اما هو اخر واحد مفروض يكون بهالمكان...له فترة وهو وحيد...من تركته اخر بنت تعرف عليها وهو  
يعيش حياة مملّة فضيعه...  
يدق عليها وتطنشاه...ويرسلها ايميلات...ولا ترد عليه..ويجي لبيتها يدق عليها ومع هذا تتمادى وما تفتح  
له الباب...

يستاهل...ولا شلي خلاه يعترف لها ان ماعنده نية زواج...اهو الطير الحر...اللي عاش طول عمره  
طلق...ماتحده اي حدود..ولا يفكر بأي انثى ممكن تعيق طريقة في هالدنيا...  
اي انثى يشوف انها بدت تلمح له عن حكاية الزواج...يركنها على جنب بكل بساطه..كأنها غرض صغير  
تافه مل من استخدامه....

او يتعذر باعذار كثيرة..منها انه لسه قاعد يبني حياته...او انه محتاج فرصه عشان يقتع اهله...  
ونادرا ما يجري وري وحده...بس هذي الاخيرة من كثر الملل...اضطر يلاحقها ومع هذا طنشته بكل  
بساطه وكأنه قطعة فستان قديمه..

اخذ نفس عميق...لوو بس يلاقي البنت اللي صدم فيها ذاك اليوم!..غمض عيونه يتذكر ملامحها الشفافه  
الغريبة...النمش الناعم على خشمها...الشعر الاشقر البرونزي...والبشرة السمراء الناعمة...وعيونها  
الملونة العجيبة...

لهجتها العربية الناعمة المبسوحة الغريبة!

ما كانت ابدأ جميله...عيونها عادية...وخشمها مو حلو... وشفافها عريضة شوي...يعني بالنسبة لاي  
شخص ثاني جدا عادية...مختصر الوصف لها...كلمة جمال غريب...يخلي اي رسام يفكر فيها...ايه وانا  
رسام عشان كذا هي شاغله تفكيري...

فكر شوي وهو يزفر بضيق ويفتح عيونه...هل فعلا لاني رسام قاعد افكر فيها؟؟...ولا علشان شيء  
ثاني؟؟...

حك شعره بتفكير...وكشّر لمن تذكر دموعها الغزيرة...لالالا...الفكه من هالاشكال غنيمة!!



: اوووه...مع السلامه.."

هزت راسها له

"Bye...":

طالعت بظهره العريض وهو يروح...وابتسمت برومانسية وحالمية وهي تضم علبة البيتزا الحاره  
لصدرها!!

...وش هالصدف!!...لو انك يا ماما عايشه كان فكرتي ان هذا قدرتي!!..!!

بينما سعود كان يمشي ويرجع يطالع فيها وهي لسه واقفة تتابعه...روح اتعرف عليها يا سعود...ليش  
جالس؟؟؟...هذي هي الفرصة جات مرة ثانية لك...لا تتركها تروح...يمكن عمرك ما راح تقابلها مرة  
ثانية...!!

بس اهي صياحه...وانا اكره ماعلي اقع مع بنت تبكي على اي شيء...تبكي لفرح..تبكي لحزن...تبكي  
لالم...وهذي واضح انها من هالنوع...انا احب البنت المرحه اللي نادرا ماتبكي...!!  
سمع صوت جواته....

سعود...تتذكر حكاية الالهام؟؟؟...تتذكر نصيحه صاحب المعرض...دور عن الالهام..؟؟؟..دور عن  
الالهام...صرخ فيها سعود بدون وعي...انا لقيت الالهام ومع هذا تركته بكل بساطة...  
بعد ماوصل لنص المسافه وبعد كئيبيبير...وقف ورجع التفت...وقرر انه يرجع وهو يحس باحاسيس  
غريبة...كثيرة قاعده تمتزج بدمه وقلبه ومشاعره...الالهام...ايه هي الالهام...لأنها كل الرقة والنعومة  
بهالدنيا...

قرر انه يركض عشان ماتبعد كثير عن مكانهم اللي كانوا واقفين فيه...مكانهم؟؟؟..الظاهر يا سعود انك  
طحت وماحد سمي عليك...!!

في القصر

....في الحديقة الواسعه....

الساعة 9:00م

كانت جالسه عند المسبح اللي على شكل بحيرة صغيرة...تحوطها الزهور والاوراق الخضراء من مختلف  
الانواع....واشجار صغيرة وشجيرات منوعة...كان المكان روووعه...ومريح نفسيا...ومع الانوار اللي  
تحوط المكان...وكأنها فراشات ليلة مضيئة..فالمكان ملهم بقوة..

...الذكريات الحزينه..

اهجر نفسي والذكريات..انطوي عند زاوية صغيرة لأجد ذاتي ابكي...

مضى زمن...احلم بحياة لم استطع الحصول عليها...حزينه والدمع يملأ جفوني...

ينفجر البركان...اصرخ لماذا انا؟؟؟...وعندما اشعر بالوحده ينقلص حزني ويذوب الخوف بداخلي....اسير  
مسافات وانظر للارض..ويداي جامدتان...لا استطيع تذكر عيد الميلاد..وحديث الصديقات...

اجهل من اكون عندما انظر في المرآة... لن يعرفوا عم ابحت؟؟... ذهب للبعيد تركني بمفردي والألم يفقدني  
الاحساس بالحياه...

انتهت تصحيح خاطرتها الرقيقة اللي كتبتها بسرعة وهي في الجامعة هذا الصباح... قررت انها ترسلها  
للمجلة بكرة... بس اول شيء لازم ترد على المعجبين الكثيرين اللي توصلها رسائل منهم كل اسبوع..  
مع ان عدد الرسائل بدا يقل بشكل ملحوظ... وهالشىء في بعض الاحيان يحبطها... لكن مع هذا... فهي  
مؤمنة ان لا يأس مع الحياه... عشان كذا ماراح تياس ابدأ... حتى لو وصلت لها رسالة وحده اسبوعيا..  
بس اللي هي مستغربة منه مرة... بعض الرسائل في بينها شبه كبير.. وكأنها من نفس القارىء... بس  
الاسماء اللي توصل لها مختلفه... معقول يكون معجب مجنون..!!؟؟  
ابتسمت برومانسية وخجل... يمكن مستحي يرسل لي كل اسبوع رساله عشان كذا.. يحاول انه يرسل  
مجموعة رسائل باسماء كثيرة!!  
"لازم اعرف حكايتك يا استاذ معجب" قالتها نورس وهي توقف عشان ترجع تدخل القصر... خصوصا ان  
الهواء بدا يبرد مرة...

الصحراء

ضمت فضه بقوة وهي تصيبيبيبيبيح بحرارة بين خواتها... الموضوع اكبر من انها تتحمله.. اهي ماتبي  
هالشىء... ماتبيه... ليش يا يبه...؟؟؟؟... لبيبيبيبيبيبيش...؟؟؟؟

مضاوي والصدمه اللي لقتها...  
وش تتوقعون تكون؟؟؟؟..  
ومسلسل لقاء الصدف بين مارية و سعود...  
راح يستمر؟؟؟؟... وقبل لا يستمر هل راح تقبل مارية تعرف سعود عليها؟؟؟وتقبل تكون الالهام بحياته؟؟؟  
..وقبل هذا كله ..هل راح تكون لسه موجوده بنفس المكان لمن يوصل؟؟؟..  
ونورس وحكاية المعجب المجنون....  
هل نورس صادقه باحاسيسها؟؟؟.. وهالمعجب وش يبي من وري كل هالرسائل؟؟؟...وتتوقعون راح تصير  
حكاية غريبة بينها وبينه؟؟؟  
واخيرا... هيفاء... بطلتنا الغريبة والشريرة شوي... هل راح تخرب عرس بنت عمها؟؟؟... معقولة بتقدر  
على شيء قد كذا؟؟؟؟... وقبل كل هالحكي؟؟؟... وش السبب اللي يخلي هيفاء بهالشر؟؟؟... وش اللي صار  
قبل سنتين ولسه يألمها خصوصا ان ناس كثير تشمتت فيها؟؟؟... ومين هو اللي مات ومع هذا قاعده تنتقم  
من الشباب عشان تفرغ حزنها وقهرها؟؟؟...  
كل هالأجوبة واكثر... راح نلقاها بالاجزاء الجاية في قصتنا كلنا... قصة الحب والطبقية والفروقات  
الاجتماعية الغريبة...  
قصة القسوة والجفا وصحاري الجحيم والالم...  
" عز الله ان حبي لك اكبر نقيصه"

### الفصل 3

"الام نساء... وخيبات رجال!!"

#### الصحراء

في نص الليل... والهواء البارد يلف المكان.. وكل شيء ساكن في مكانه.. ما فيه اي حركة.. كل البشر نامين في هالمنطقة... حتى الناس اللي مخيمه قريب.. وعلى راس جبل... كانت هي لوحدها... طلعت بدون ما حد يدري عنها... وتسملت لهالمكان... دوم تحب تجلس فيه....

تسللت دمعته من بين رموشها الكثيفة.. وذاب كحلها بسرعه على وجهها... بس ما اهتمت انها تمسحه او حتى تمسح دموعها... كانت تبكي بصمت... ما تعودت حد يشوف دمعها غير خواتها... عمر ابوها ما شاف لها دمعته... وعمر امها ماشافت لها دمعته... بعد ما تعبت من الصباح بجحر خواتها... قررت انها تختلي بنفسها... ما تبي اهلها يشوفون دموعها... اللي نزلت علشان رجال... خلهم على ظنهم القديم... انها مضايي القوية اللي مايهزها ربح... ولا يآثر فيها شيء.

دايم يظنون انها مختلفه... يحسدونها على قوتها الظاهرة وبرود اعصابها... لكن خلاص يا بيه... تماديت... تماديت كثير... طعننتي وقلت معلش... لكن انك تزيد طعونك وتفنن بجرحي هذا اللي ما اقدر اتحملة... ياربي وش اسوي بعمرى؟؟... اذبح نفسي؟؟... بسس... ما اقدر... اخاف على عبدالله يضيع من بعدي...

اول ما تذكرت عبدالله.. حطت يدها على فمها وزادت من صياحها... الا عبدالله... وش بيسوي لا بعدت عنه؟؟؟... راح يهملونه؟؟... وما راح يطعمونه؟؟... يمكن يذبحونه... يا ويلي عليك يا عبيد... راح تضيع من بعد اختك!!

غمضت عيونها بألم وخلت الهواء النقي البعيد عن التلوث ينساب بحرية.. على وجهها الجميل... ويحرك بعض خصلات شعرها اللي طلعت من تحت الشيلة حققتها... مسكت حصى صغيرة.. ورمتها بقوة... سمعت صوتها وهي تطيح وتتدحرج... حسنت ان ابوها عاملها مثل هالحصى... رماها بدون رحمة...

رجعت تتساعل بقوة  
ليش يا بيه؟؟؟... لبيبيبيبيش؟؟؟... ليش رميتني لرجال بالسبعين من عمره؟؟؟... ليش رميتني لواحد اكبر عياله اكبر منك يا بيه؟؟؟...  
تذكرت يوم دخلت عليهم... وانصدمت بوجود حريم اخو خالتها "شعاع"... من زمان مازاروهم... يمكن من عشر سنين...

ضمت نفسها بقوة وكأنها تحمي نفسها من مجهول... وهي تتذكر " ابو علي"... لمن كان يراقبها وهي صغيرة.. كانت تكرهه... وما زالت تكرهه... ولا تحب تشوف وجهه... ولا تتخيل نفسها مرتة... معقول بيه ترميني علشان مجموعة نياق؟... لها الدرجة انا رخيصه بيه... تنفست بصعوبة وهي تغمض عيونها... تتذكر وجه " ابو علي " القذر... بلحيته الحمراء الطويلة... ووجهه المتجدد... وحواجبه الكثيفة الحمر... وابتسامته المقرزة...

خلاص يا "مضايي"... انت بتصيرين زوجته... ما عاد تقدرين تهربين من قدرك وحظك ونصيبك... هذا نصيبك يا مضايي لازم ترضين فيه... والحياه كلها قسمة ونصيب.. سمعت صوت خطوات وسط افكارها خلاها تلتفت بسرعه.. شافت اختها وهي تجي مقبلة لها... مسحت

دموعها بسرعه... وابتسمت بوجه " هيلة"  
كانت هيلة شايله بيدها تمر بلبن وشوية فطير... جلست عند مضاوي وحطته بينهم...  
هيلة وهي تنتفس بصعوبة: اعوذ بالله مدري وش صاييني؟؟.. ياله اتحرك وازحر ( نفس معنى اتحرك) من  
مكاني.."

مضاوي وهي تشوف جسم اختها الرويان: من المتن..."  
هيلة وهي تكش بيدها على وجه مضاوي: يا هب.. اذكرني الله... لا تحسديني على النعمة..."  
مضاوي واللي كان ودها تزيد وتسمن مثل اختها: تف تف.. مشاء الله عليك....."  
هيلة: ايه هذا الكلام الصحيح..."  
سكتوا شوي وقاموا ياكلون من التمر.. رغم ان مضاوي كانت تغصب نفسها... لأنها جوعانه ولا ذاقت  
العيشه بالليل...

مضاوي بتردد: هيلوه.."  
هيلة وهي تاكل: هممم.."  
مضاوي وهي تفكر: شلون حياتي بتصير مع ابو علي وحريمه وعياله؟؟"  
هيلة بعد تفكير: قولي جعله يموت قبل يعرس عليك..."  
مضاوي غصبن عليها ضحكت: ههههههههههه... امين... مانيب كارهه والله..."  
هيلة وهي تاخذ لها شوية فطير وتعطيه اختها: اكلي اكلي... لا تفكرين بهالجواز... وربى بيحلها... من  
عنده.."

مضاوي بحسرة: وشلون اخلي العيشة تدخل جوفي... وانا افكر بهالنحاسة.."  
هيلة وهي تطالع بوجه اختها الساحر: ميمتي تقول انه كان حاط عينه عليك من سنين... من يومك  
صغيرة... وانه خطبك وانت ام سبع... ورجع خطبك وانت تسع... ثمن خطبك على عشر... بس ابوي كان  
يتعذر له.. لكن هالحين ماعاد فيه اي عذر لجلستك معانا..."  
مضاوي وهي مصدومة: يعني هالحين اثارى ابوي معطيه كلمته من سنين؟؟.."  
وحطت يدينها فوق راسها وقامت تصيح من جديد... يعني خلاص اذا كان عندها امل صغير انه غير  
كلامه... فها لامل راح من بعد كلام هيلة...

هيلة بجديّة: مضاوي... وش هولته هالصياح؟؟.. اللي يشوفك يقول ميت لك ورع... اكبري ترا مانتيب  
ورع... والله ان " فطين" اعقل منك..."  
فطين هو كلبهم السلوقي ^ ^

بس مضاوي ما سكتت... هيلة وفضه هم الوحيدات اللي تقدر تصيح قدامهم... اهي عارفة ان الايام الجايه  
راح تكتم على انفاسها صدق...  
تركت هيلة الاكل اللي بيدها وهي تشوف وجه اختها ممثلي دموع القهر والمرارة... وراحت ضممتها بقوة  
تبي تخفف عليها النيران اللي مشتعله بجوفها...

في ايطاليا

في شوارع الرومانسية والحب والليالي الغير شكل!!

وصل سعود اخيرا للمكان اللي كان واقف فيه مع البنات....

تطلع يمينه وشماله.. ماكان لها اي اثر... كان الارض انشقت وابلعتها...!!!  
دار حول نفسه يدور طيفها الاشقر وضحكتها المبحوحة... بس للاسف كانت النتيجة وحده...  
حس باحاسيس مختلفه من خيبة الامل... والالم اللي استغربه... كان يحس باشياء صغيرة مؤلمه  
بقلبه... هذا اعجاب؟؟... هز راسه مستنكر على نفسه حركات المراهقين هاذي... كم عمرك يا  
سعود؟؟؟... 33 سنة... ومع هذا قاعد تطامر بالشارع علشان بنت هلفوتة قابلتها واعجبتك...  
اللي خلقها خلق الف غيرها... وخلق الف احلى منها... والف ارق منها..  
صرخ فيه صوت صغير... بس هاذي غير... سأل نفسه بحرارة... ليش غير؟؟...  
ماسمعت ضحكتها الناعمة.. ابتسامتها البريئة... عيونها الامعه... هذي هي الانثى... فزمن قلوا فيه  
الاناث... عشان كذا هي غير يا سعود...  
ضرب يدينه ببعض بقهر... وش يفيد هالحكي كله؟؟...  
اه صدق اني غبي... قالها وهو مقهور من هبالته... لو انثبرت عندها... بس كان لازم اصرفها بكل  
برود... بس هي اللي صرفته...  
حتى لووو... لو اني بس طلبت رقمها... لو وصلتها للبيت مثل اي رجل محترم... لكن ما اقول الا اه مالت  
على وجهي....  
حط يدينه داخل جيوبه وراح يمشي راجع لشقته... بس ماكان فاقد الامل انه يشوفها وهو بطريق الرجعه..  
حس بفطرات مطر صغيرة تطيح على خشمه المرتفع... رفع عيونه السود للسماء  
... وكشرو مطر؟؟... اففف...  
رفع ياقة الكوت اللي لابسه... وركض بخطوات كبيرة يقطع الطريق قبل لا يزيد المطر... لكن المطر زاد  
بثواني وصار قوي مرة...  
وصل اخيرا للعماره اللي ساكن فيها... دخل بسرعه بعد ما رفع يده يسلم على البواب... اللي هز راسه له  
باحترام....  
راح للمصعد الخاص فيه... وطلع المفتاح من جيبيه... واول ما دخل المصعد... طالع نفسه بالمرآة العريضة  
اللي داخله...  
ومشط شعره باصابعه... وفصخ الكوت المبلول من المطر الغزير... وصل المصعد للدور اللي ساكن  
فيه... وكانت شفته بالدور الاخير...  
خلى المفتاح بالمصعد... ودخل لشقته وابتسم وهو يشم ريحة الازانيا الحارة الطازجة اللي توها طالعه من  
الفرن...  
يمكن هذا الشيء الوحيد اللي بيهون عليه فقدان ذيك البنت للمرة الثانية...  
طلعت خدماته الفليبينية اللي جايه معه من الرياض من المطبخ... واللي امه ارسلتها معه من استقر  
هنا...  
قالت ايمي بعربيتها المكسره اللي تحب تستخدمها: تبي نشا؟؟"  
سعود وهو يعطيها معطفه المبلول "yesss...:  
وراح دخل غرفة نومه... وتمدد على سريره الابيض العريض بدون مايفصخ حتى جزمته وانتم بكرامه...  
غمض عيونه شوي... وشاف وجهها... فتح عيونه وهو منقهر من غبائه... وضرب جيبيه شوي عشان  
يبعدا عنه...  
قام بسرعه... وراح لغرفه مخليها محترف له... وقف عند اللوحه القماشية البيضاء المشدودة على  
الحامل...  
مسك اللون الأصفر وامزجه مع شوية ابيض ولون غريب كأنه نحاسي وبني فاتح... وخربش خربشات  
صغيرة... كان يبني رسم شعرها الجميل الانسيابي... شعرها اللي مثل سنابل القمح في احلى المواسم...  
دخلت عليه ايمي: النشا جاهز..."  
مارد عليها... وهي تعودت على وضعه هذا خصوصا لمن يكون واقف عند لوحه من لوحاته...  
وحست بسعاده وهي تشوفه يرسم... اهي تعتبره مثل ولدها من كان صغير وهي تشوفه يكبر قدامها... وله

فترة مارسم... فاليوم يعتبر عيد بالنسبة لها...  
تركته وراحت المطبخ... حطت عشاها في صحن بالميكرويف.. لأنها عرفت انه مراح ياكله خلال الساعات  
الجايه... اهو يحب يرسم ويرسم لمدة ساعات لين يهدده التعب...  
وسعود هالحين مشغول برسم ام الشعر الذهبي... يبي يوثق صورتها براسه مايبي ينساها... لأنه يعتبرها  
الهام... والفنان مفروض يستغل الالهام الموجود بحياته... او المتواجد للحظات بحياته... مثلها... هي بنت  
الصوت المبحوح!!

كانت واقفه قبال البيت اللي اهي ساكنه فيه... كانت تمشي وفي عيونها نظرة غريبة... تحس باشياء  
غريبة بقلبها... اكيد اعجاب ايه... اعجاب... كله بسبة هذاك الرجال... كان وسيم.. مو بس  
وسيم... غريب... عجيب.. فنان.. خطير... ماتدري بايش توصفه؟؟؟..  
صدق اني مخفه والله!!... فيه وحده تعجب بواحد ماشافته غير مرتين ومدة ثواني او دقيقة... اكيد هذي  
المشاعر بسبب الغربة لا اكثر او اقل...  
رجعت تتذكر.. صوته البارد... عيونه الواسعه الحاده... حواجبه العريضة المستقيمه... خشمه المرتفع واللي  
كان فيه كسر طفيف بالنص... سمرته الحلوة... الشعر الخفيف اللي على ذقنه...  
دارت حول نفسها بحالمية... يا رب ارزقني بزواج يكون مثله... مو بس مثله... يكون اهو نفسه... يحق لي  
اتشرط.. دام الموضوع كله حلم... قالتها بسعاده لنفسها... يا حلو الاحلام يا "مارية" حاكت نفسها من  
جديد... وبصوت عالي...  
عضت شفتها بخجل لمن شافت واحد من الجيران يطالعها وكأنها مجنونة... وهي تدور وتكلم  
نفسها... ابتسمت بنعومة للرجال الكبير بالسن... وراقبته وهو يهز راسه ويروح لبيته... هزت راسها  
تضحك على عمرها... وركضت لبيت "ادلينا" بخطوات راقصه سعيدة...  
طقت الباب ثلاث طقات اول ماوصلت عنده... وانتظرت شوي... كانت مبتسمة بس لمن انفتح الباب كشرت  
بقرف... بوجه "ايمانويل" اللي كان يعلج السيجارة القذرة بفمه...  
كان واقف بوجهها... ما تحرك ولا اي مسافة عشان يسمح لها بالمرور... كانت نظراته تجول على جسمها  
بحرية...  
حست باشمنزاز كبير يملا كيانها... وصرخت بوجهه عشان يبعد عنها... وفعلا بعد عن طريقها اول  
ماسمعها تنادي مرته... بس تكرم ورسم ابتسامه متهكمة على وجهه...  
دخلت البيت... وهي تحس انها استهلكت مقدار السعاده المخصص لها كل يوم... اول ماتدخل هالبيت تحس  
بالكابة... لو اهي اغنى شوي بس... كان قدرت تسكن بشقة لوحدها... لكنها للاسف مو اغنى... اهي على قد  
حالتها عشان كذا مضطرة تحمل هالبشر المقززين اللي اهي ساكنه معهم...  
سلمت على الشباب والبنات الجالسين بالصالة بعضهم يذاكر... وبعضهم يقرأ مجلات...  
... وطلعت الدرج لغرفتها...  
ابتسمت ل " كلاريسا" اللي كانت تلعب بالالعاب التركيب عند باب غرفتها... ووجهها مليان  
شوكولاته... وملابسها حقت النوم قذرة... بسبب الأكل...  
دخلت غرفتها الصغيرة مرة... ووقلت الباب... وارجعت تبسّم من جديد بحرية... بدون ماتضايقها نظرات  
ادلينا" وزوجها...  
هزت كتوفها وهي تحس بطاقة غير طبيعية... وراحت للمراية حققتها... طالعت بشعرها الناعم  
القليل.. وبوجهها اللي دايم اعتبرته عادي او اقل من عادي..

ياما قالت لها جدتها انها جميلة...بسبب براعتها اللي تطفو على وجهها...بسبب انوثتها اللي كانت سبب  
تهكم قريباتها منها..بسبب حبها للحياة ونعومتها بالتعامل مع اي موقف...بسبب غمازاتها الحلوين...  
مسكت المشط وجلست قدام التسريحه...وقامت تمشط شعرها وهي تحلم بالرجال الغريب...وبصوت  
الرجال الغريب...وبنظرات الرجال الغريب!!!  
ونسيت النوم ذيك الليلة وطعم النوم...!!

...في اليوم الثاني...  
...في العصر تقريبا....

في مملكة المرأة  
وفي محل فساتين جاهزة...لمصممين عالميين...

كانت "هيفاء" واقفة تدور حول نفسها قدام المرايات اللي بالمحل...وهي لابسه فستان من تصميم روبرتو  
كفالي ب25الف ريال...لونه احمر وناعم جدا وبسيط...صدره فيه شك ناعم...وهو من تحت طبقات..  
قالت وهي ترفع ذيل الفستان الحريري بغرور وترجع ترميه باهمال:  
وش رايك نورس؟؟?  
نورس وهي مشغولة تقرا رسالة على جوالها  
: روعه..."  
سحبت هيفاء منها الجوال ورمته على الأرض وصرخت فيها بتوتر  
: طالعيني لمن احاكيك.."  
انفجعت واستغربت نورس من سر اهتمام هيفاء بالزواج لهاالدرجة....حتى انها من اليوم تصرخ على  
الموظفات عشان يطلعون لها الفساتين الخاصة بال...VIP  
نورس وهي تلمس خشمها بنعومة:  
...جدا ناعم.."

هيفاء وهي ترجع تأمل الفستان  
: بس كيف طالع علي؟؟؟...شلون مخلي جسمي..؟؟"  
نورس وهي تبتسم برفة  
: هيفاء انت اكثر الناس معرفة بجسمك...لو تلبسين خيشة بتطلع عليك فتنة...مشاء الله جسمك مافيه اي  
عيوب...وهذا ضابط عليك مرة.."  
ارتاحت هيفاء لكلام اختها مرة...وعضت على شفتها بخبث وهي تعيد كل خطوة حتسويها من اول ما  
تدخل الفرع لين ماتطلع منه...  
وبعد ما عادت كل الخطوات...رجعت تلمس قماش فستانها الحريري...وهزت راسها وهي متأكده انها  
بتجيب الهدف المطلوب وببساطة...  
دخلت غرفة القياس من جديد...وفصخت فستانها بحذر...ولبست ملابسها اللي اول..وهي بنظرون جينز  
ضيق...وبدي ناعم حريري لونه بيج...  
طلعت من غرفة القياس واعطته للموظفة..وراحت تشوف الفستان اللي اختارته " نورس" لنفسها...  
ابتسمت وهي تشوف نورس واقفة عند اللون المفضل عندها دائما وايدا ال...Pinkنورس التفتت اول

ماسمعت صوت كعب هيفاء...  
ورفعت لها الفستان: وش رايك؟؟..  
هيفاء وهي تقلد صوت نورس الناعم  
: روووعه!!!..  
نورس بضيق  
: هيفاء... لا تطنزين علي!!..  
هيفاء وهي تمسك الفستان وتقلبه بايدها  
: ابي اعرف وش سر هالوردي معك؟؟..او كي لون بناتي وحلوو...بس مو بكل وقت...جربي تغيرين..انت  
مشاء الله بيضا..ويناسبك اي لون...  
نورس وهي تضم الفستان لصدرها وتحس ببرودة القماش  
: لاء...انا اموت بالوردي...كله انوثة..وبعدين واذا كنت بيضا مو معناته اني البس كل الالوان...  
هيفاء وفيها ضحكة  
: ههه...طيب يا انوثة...جربي الفستان...وبدور فاطمه عشان تشتري لنا كوفي...  
طلعت من المحل ووقفت تدور بعيونها شغالتهم اللي دايم يجيبونها معهم للسوق تقدرين تقولون مثل  
الديكور الاساسي...  
شافتها فاطمه الحبشية وتركت الشغلالات اللي كانت تسولف معاهام وجات بسرعه ل هيفاء...  
اعطتها هيفاء فلوس وطلبت منها تشتري لهم كوفي...ووقفت تنتظرها على باب المحل...وهي مطلعته  
الجوال من شنطتها عشان تتصل على السواق يقرب من الجوابة..  
سمعت صوت ضحك...لكن هالضحكات اختفت فجأة...فرفعت راسها بتلقائية...وابتسمت بخبث واضح وهي  
تشوف بنات عمها يطالعون ببعض...  
اجل العروس هنا!!!...قالتها هيفاء بانتصار...  
ابتسموا بوجهها بنات عمها بعد ماسمعوا جملتها بتوتر شديد..  
قالت وحده فيهم: هلابك هيفاء...وش هالمفاجأة الحلوة؟؟..  
هيفاء ردت بنفاق واضح  
: واو والله مو بس حلوة لكم..حتى لي انا...الصدق الفرحة صارت فرحتين..  
تكلمت الثانية بتردد  
: مشاء الله...شكلك بتحظري...ن العرس؟؟..هه...  
هيفاء وهي تبتسم بحلاوة  
: ولووو...عرس بنت عمي...اللي انتظرناه سنين وسنين...وسنين...لا بد احظره...  
وركزت على كلمة السنين اللي اعادت تكرارها كذا مرة وري بعض...  
لاحظت ان وجيههم سودت من شماتتها الواضحة وضوح الشمس من عمر عروسهم...  
كملت هيفاء وكأنها ما تدري وش قالت قبل شوي: وووين عروستنا؟؟...لالالا...لازم اشوفها قبل  
العرس...  
اسكتوا يطالعون بعض...فكملت هيفاء بخبث  
: لا تقولين مخبينها عشان نور العروس!!!...هههههه...  
قالت وحده فيهم  
: العروس ميب هنا...اهي بصالون التجميل...عشان تستعد ليوم العم...ر..  
هزت هيفاء كتوفها بحسرة مصطنعه  
: اممم...يا حسافه كان بودي اشوفها...المهم...سلمولي عليها...تري لها من الوحشه الكثيبيبيبيير...  
البنات بصوت واحد: يوص..ل ان شاء...الله..  
هيفاء وهي ترفع يدها بنعومة: او كي...باي..  
واعطتهم قفاها واخذت الكوفي من فاطمه اللي كانت واقفة وراها بصمت...ورجعت تشوف نورس...اللي

كانت واقفه على اعصابها بغرفة الملابس...  
دخلت هيفاء عليها ولقتها متوهقة بالفستان ما تدري شلون تسكر السحاب اللي على جنب...  
ساعدتها هيفاء وبعد تقرير الاكسسوارات المناسبة...طلعوا الثنتين من المحل...لبسوا عباياتهم قبال  
البوابة...  
واول ما ركبوا السيارة الفخمة...تكلمت هيفاء بشماته  
: مادريتي شفت بنات عننا...هههه...مخبين عروسهم خايفين عليها من العين..."  
نورس بضيق  
: هيفاء بلييز...لا تتشمتين بالبشر...وبعدين وش فيها بنت عننا...تراها حلوة.."  
هيفاء وهي ترفع حواجبها مصدومة من ذوق اختها  
: ذيك حلوووة؟؟؟..وعععع...ما اقول غير مالت عليك.."  
نورس بحساسية وهي شوي وتصيح  
: مووو...كل البشر...كاملين مثلك يا هيفاء...فيه ناس كثير جمال...هم متواضع..."  
هيفاء وهي تربت على كتف اختها وفيها ضحكة  
: انا عارفه ان محد مثلي...بس لا تصيحين الله يخليك...اشربي اشربي قهوتك.."  
سفحتها نورس اللي تجمعت الدموع بعيونها...ما تحب الشماته وتكره اللي تسويه اختها بالبشر لكن  
مابيدها اي حيلة...

في الصحراء  
وبين الاغنام الكثيرة اللي يمتلكها" بنيان"

كانت جالسها تحلب الغنم...وبنتها" مضاي" جالسها عندها ساكتة...كانت عارفه نفسية بنتها بسبب صدمة  
الزواج اللي جات بدون اي مقدمات...وكانت معزمة تكلم زوجها وتقتعه...مع شكها بقدراتها...لكنها  
بتحاول تضرب على الاوتار الحساسة..وان شاء الله يفيد معه...  
اهي ماتمانع ان بناتها ياخذون رجال كبار بالسن...لان هذي ميب مشكله بنظرها...لكن ابو علي...انسان  
جشع مافيه اي صفة ممكن تنبلع...مافيه لا كرم ولا شجاعه ولا نخوة...مافيه غير البخل والجبن...واذا  
راحت بنتها عنده...  
فبتعرف انها موب اخذ لها حقها من حريمه...وبنتها صحيح قوية لكن قدام العدد المهول اللي راح  
تواجهه وهي لوحدها فاكيد بتفشل بأخذ شوي من حقوقها...  
ياما قالت لمضاي تسفه مرت ابوها ولا تراددها...لأنها عارفه ان شعاع اذا حطتها براسها بتقدر توديتها  
بمصيبة...  
وهذا هي المصيبة...اخترت مضاي من بين بناتها عشان تزوجها لاخوها اللي اهو اخس منها مية  
مرة...  
اخترت اجمل بناتها واصغرهن واذكاهن واقواهن عشان تزوجها لاخوها اللي مافيه ذرة خير..او  
رجولة...  
طالعت ببنتها اللي تلاعب الجفار الصغيرة...مضاي لسه صغيرة...والجانب الطفولي فيها  
كبير...والحنان اللي فيها يشيل العالم كله ويعيشه بسلام...

حسبي الله عليك يا " بنيان " ..قالتها ام عبدالله بمرارة...  
وهي تحاول ان عبرتها ماتنزل...بس غصب عليها نزلت عبرتها...وانتهت لها مضايقي فقامت بسرعه  
وهي شايلة جفرة صغيرة بايديها...من مكانها وابتعدت عن امها عشان ماتزيد جروحها والامها...  
امس سافروا اهل ابو علي...ووبيرجع لهم لوحده بعد يومين عشان يملك عليها وياخذها وياه....  
راقبت حريمه وعياله الكثيرين وهم يركبون الددسن اللي جا به...وهم يتزاحمون بالحوض...وحتى موب  
كافيهم...!!

دعت من كل قلبها انهم مايرجعون ابد لهننا...لكنها كانت عارفه ان دعوتها ذي ماراح تتحقق...لأن ابو  
علي على قول خواتها هو نصيبها..

تذكرت شكل ابو علي وهو يناظرها بعد ماخلص الغدا وطلع يغسل يدينه...  
ويمسح وجهه القدر بظاهر يده...تمنت لو تقدر تقطع وجهه وتذبحه وتدفعه ولا احد يدري عنه...  
تذكرت حريمه وهم يعاينونها كأنها بضاعة معروضة للبيع...ويسألون "شعاع" عن نحفها اللي موب  
عاجبهم...وعن سكوتها ونظراتها الحاده لهم...وهي تطالع بيديهم المتجده اللي مليانه  
ذهب...وفضه...لكن هالشيء ما يهمها...عمر هالاشياء ما همتها...وعمرها ما فكرت فيها...يمكن هم  
يحبون هالاشياء عشان كذا وافقوا يخطبون ل" ابو علي"!!...ولا مافيه مره تخطب لرجلها الا اذا كانت  
تبي الفكه منه!!

دخلت شقهم...وجلست على الأرض جنب فضة اللي كانت تزيت شعرها الطويل...من لية الغنم( شحم  
الغنم)....

قالت فضة وهي تشوف مضايقي تجلس قبالتها: زيتي شعرك..."

هزت مضايقي راسها رافضه: لا...حاطه حنا...."

فضة وهي تمشط شعرها وتشوف سكوت اختها اللي موب طبيعي: مضيوي...وش بلاك؟؟.."  
ما ردت مضايقي...على اختها...وتركت الجفرة اللي بيدها تروح...ومسكت المراية الصغيرة  
المكسورة...وحاولت تشوف عيونها الواسعه...ومسكت المكحلة وقامت تكحلهم...لا ابو علي ولا عشرة  
من امثاله يخلونها تنسى كحلها...اللي متعودة تحطه باليوم اكثر من مرة...  
سمعت صوت صرخات عبدالله اخوها الغالي...وهي تتردد بسرعه والم...وكأنه خايف من شيء!!  
تركت المكحلة بسرعه والمرايه حقتها على الارض باهمال...  
وراحت جري طالعه من بيت الشعر تبي تعرف وش صار له؟؟؟....

في القرية الايطالية

وفي الصباح الباكر

في المخبز

ورائحه الخبز الشهية باشكاله وانواعه المختلفه منتشرة بالمكان..

كانت " مارية" قاعده تنتظر دورها وهي شايلة بعض اغراض البقاله اللي اشترتها قبل شوي...

اليوم الدور عليها... اهي اللي راح تروح وتشتري اغراض البيت... الحمدالله طلعت بدري قبل الزحمة... مع انها لقت زحام خفيف بسبب كثرة السياح....  
كانت قاعده تعلق وتنفخ بالونات من العلك... وهي تبتسم كل شوي لـ " كلاريسا" اللي طلعت وياها...  
كانت تشوف بـ " كلاريسا" نفسها... طفولتها... اهمال اهلها لها.... هي نفسها " كلاريسا" مع اب مشغول بملاحقه الحريم... وام مشغولة بمراقبة ابوها...  
ما تذكر بيوم انهم انتبهوا لوجودها.. او التفتوا لها... كان جل اهتمامهم انهم يبعدون عنها عن حياتهم... ولو كانت عندهم المادة الكافية كان مليون بالمية حطوها بمدرسة داخلية..  
حست بيد كلاريسا تشدها... انتهت انها واقفة بمكانها... وشافت ان كل اللي قبلوها تحركوا... فمشت بسرعه... واخذت الخبز اللي جات علسانه...  
طلعت من المخبز... وهي ماسكه الأغراض بأيديها... " كلاريسا" بأيدها الثانية... كان اللي يشوفهم يقول هذي ام وبنيتها... بسبب حذر مارية الشديد عليها... وابتسامتها والتفاتاتها الرقيقة لها...  
ووقفت شوي بالشارع... وقامت تسوي ملابس كلاريسا المهمة وتحاول تنسقها شوي... قبل لا تروح عشان تكمل باقي المقاضي..

في نفس الوقت... كان بطلنا " سعود" يركض بسرعه... على الجانب الثاني من الشارع. يحس بنشاط مو طبيعي اليوم..  
يبي يفرغه بأي شيء... ومافيه مثل الرياضة لتفريغ الطاقات الكامنة... وخاصة رياضة الركض والجري بالهواء الطلق... فيها تجديد ممتاز للدورة الدموية... وبعد عن الكابة اللي ممكن تصيبك بسبب رتابة الحياه...  
خلص لوحه للبنيت اللي صوتها مبجوح...  
لوحه جميلة جدا... صحيح ان لسه تنقصها بعض اللمسات النهائية... اللي تميز رسمه عن رسم الباقين...  
تنقصها التداخلات العجيبة في خلفية اللوحه... والبريق المميز اللي لسه ما اضافه لعيونها... اكتفى انها رسمها ببساطة... بس لازم يضيف لها شوية سحر... عشان تطلع اللوحه تحفه فنية مالها مثيل...  
كانت اللوحه عبارة عن بنت تمشي وسط حقل قمح... وهي لابسه فستان ابيض واسع طويل... والشمس تشرق من وراء الحقول وتعطي اضاءة عجيبة...  
من زمان ماخلص لوحه بالسرعه الفضيعة هذي... كان جالس عليها فوق العشر ساعات متواصلة... واكواب القهوة متراكمة جنب جنب الالوان... وبعض الخبز الاسمر القاسي متناثر هنا وهناك...  
حتى ايمي من كثر فرحتها كانت تراقبه وهي مسحورة... واهو ماكان يمانع تواجدها فوق راسه وهي تطالع برانعة اللي لسه ما اكتملت...  
ايمي مربيته من كان صغير... ولو يتخلى عن اشياء كثيرة بحياته هي بالذات مايتخلى عنها...  
ايام ماكانت امه تندب حظها وتبكي... كانت ايمي تضمه لصدرها وتنومه عندها... اهي اللي علمته كل شيء... علمته كيف ياكل؟؟.. كيف يلبس؟؟.. كيف يتكلم؟؟...  
لا يمكن ينكر فضلها عليه... ويشكر امه انها ارسلتها له...  
وقف بتعب... بنهاية الشارع.. ومسح جبينه... وشرب من الموية المثلجة اللي معه... شاف الاشارة وهي خضراء... وبعض السيارات تنطلق تمشي بسرعه...  
دارت عيونها بين الناس بشكل طبيعي...  
ولمح شيء خلاه يغمض عيونها بسرعه ويرجع يفتحها... شاف شعر اشقر قمحي.. قدام عيونها... بالشارع

الثاني...  
طالع فيها... اهي نفسها... ايه ملهمته... اهي اللي محتاجها عشان يكمل لوحته... صاحبة اللوحه...!!  
رفع يدينه يأشر لها بس ما كانت تطالع فيها... كانت تكلم بنت صغيرة معاها... وكان واضح انها مو منتبه  
لأي شيء ثاني...  
طالع بالسيارات وهو معتاض... كان يببي يقطع الخط... بس مافيه اي مجال يقطعه مع السرعة المجنونة  
لبعض السائقين...  
طالع بالاشارة... يا ربي ليش علقت على اللون الأخضر؟؟؟.. اففف...  
رفع صوته: هاي... هنا..."  
لاحظ ان ناس كثير تلفتت وهي تسمع صوته القوي... وطالعوا فيه باستهجان... الشارع مو ملك ابوه  
عشان يصرخ فيه بهالطريقة...!!!  
بس هو ما اهتم بهالشكليات... بالطاق بالناس وبالشارع.. المهم هي تلفتت له...  
ضرب جبينه بقهر... وقام يدعي على مخترع الاشارات وساعة الاشارات... وسنين المرور وتنظيم  
الطرق... وهو يشوفها ما تسمع اي اثر لصوته وهذا باين على حركاتها اللي ماتغيرت.. وهذا بسبب  
السيارات المزعجة اللي تقطع الطريق...  
قرر انه يقطع ولا همه بالسيارات... بس... اول ما حط رجله عشان يقطع الشارع... سمع صوت صفارة  
شرطي المرور...  
التفتت ببطء... وشافه وهو يأشر له انه ما يمر... فزاد قهره على هالحظ اللي مو موافقه ابد...  
التفتت من جديد يببي يملي عينه منها ويدعي رب العالمين انها ماتروح لين تقفل الاشارة ...  
بس لمن التفت لقاها بكل بساطة راحت واختفت... طالع زي المجنون بالشارع اللي كانت واقفه  
فيه... لالا... مو معقول انها اختفت بهالسرعه؟؟.. استحاله اساسا.. اكيد دخلت واحد من هالمحلات...  
قطع الشارع وهو مو مهتم لا بصفارة الشرطي ولا بواري السيارات اللي ارتفعت اصواتها وهو يقطع  
الخط بجنون...  
حتى ان كذا سيارة جات تصدمه بس ربي ستر عليه  
دخل المحلات اللي بالشارع واحد وري الثاني... بس للاسف اختفت... ما عاد بقى لها اي اثر...  
حس باحباط فضيع... وهو يضرب قزاز اخر محل دخله وسأل عنها فيه... يعني معقول الفرص تجي  
وتروح مني بهالسهولة...  
ثلاث مرات شفتها هالاسبوع... ثلاث مرات... وضاعت مني كل هالفرص بسهولة... اه يا حظي!!!

في الرياض  
في القصر الخرافي لعائلة سعود  
في الغرفة الحمراء  
وطبعا الغرف مسمية بالوانها بسبب كثرتها... فيميزونها بهالطريقة...

قفلت باب غرفتها بحذر... وبعد ما تأكدت انه انقل زين... راحت ببطء وقلبها ينبض بشدة... للدولاب اللي  
بركن الغرفة... من زمان ماراحت له... لها فترة طويلة... قلبها يعورها ما تحب تشوفه... بس هي اشتاقت  
له كثير... كثير...

جلست على ركبها... وفتحت الدرج بتردد... بعد مادخلت مفاتيحها الذهبية داخله... بلعت ريقها كذا مرة  
وهي تشوف صندوق الموسيقى البني حقها قدام عيونها..  
فتحت الصندوق... فتصاعد صوت الموسيقى الكلاسيكية... وبدوا التماثيل الصغيرة الموجوده داخله  
بالرقص بشكل دائري....  
تجمعت الدموع بعيون " هيفاء" الواسعه الجميلة... وهي تشوف التماثيل اللي على شكل عرسان وعرايس  
تترافق قدام عيونها بتناغم...  
تركت الصندوق يشتغل على جنب.. وطلعت الأوراق والصور الموجوده بالدرج... وعلبة العطر  
الفرنسية... والحلاوة البلجيكية اللذيذة... المحببه عنده...  
واخر شيء... تي شيرت... ابيض.. مقاس... مرسوم عليه صورة نخيل وشاطئ...  
تأملت التي شيرت وحست بغصة قوية بحلقها...  
ضمت التي شيرت وهي ترتجف بقوة... مو قادرة تستوعب غيابه... له سنتين غايب... بس مع هذا ما  
زالت تنتظر قدومه... وتنتظر اسفه... وتنتظر شوقته...  
صحيح انه كان قاسي.. بس مافيه اي مقارنه بين نار قربه ونار بعده!!  
نار بعده الحارقة... اللي احرقت كل مافيه... اللي احرقت ايامها الحلوة وسنينها الحلوة... اللي احرقت"  
هيفاء" القديمه وبدلتها بوحده نجسه شريرة.. قاسية جاحده...  
قالت بصوت متقطع خافت وهي تكلم التي شيرت: اشتقت لك كثيييييييييييييييي... اهء اهء... حرام  
عليك... ليش رحت؟؟... لبييش؟؟... قتلنتي وياك... قتلنتي..."  
رجعت تبكي بحرارة وهي اللي كانت تحاول تماسك... وطلعت بعلبة العطر الغالية على قلبها.. عطر مصمم  
لها خصيصا اهي... اهو اللي كان طالبه لها...  
رشت منه على معصمها... وشمته وهي تحاول تماسك... كان العطر بريحة الورد واريح الازهار  
المختلفه... كان يقول لها انه يشبه لها... بس اهو.. كذاب... كذاب... خاين... بس ليته مامات... انا راضية  
انه يخونني... ويعذبني ويخليني شماته بين البشر... بس ما ارضى انه يروح ويرحل بكل هالبساطة...  
طلعت بأغراضه اللي تاترت من الدرج المزدهم بالذكريات... وزادت حدة صياحها ودموعها اللي انكبتت  
فترة طويلة!!  
وهي تشوف صوره اللي متناثرة حولها... وابتسامته المرسومة براحه على وجهه... تذكرت صوته  
الجميل... وهو يعني لها... ويدق لها عود...  
تذكرت ليالهم الحلوة سوا... تذكرت اشياء كثيرة تجمعهم... نست في ذيك اللحظة الاشياء السيئة اللي  
سواها فيها... نست كل شيء سيء... وتذكرت احلى واحلى الليالي وياه... يامام حطت راسها على كتفه  
ولعبت بشعره... ياما شالها ودار فيها بالحديقة... حتى لمن كانت تتعب من المشي... كان يشيلها على  
ظهره ويمشي بها...  
ليش خرب كل شيء؟؟... ليش راح لذيك الحفله؟؟... لبييش يا " خالد" حطت كل شيء بيني  
وبينك؟؟... وما اكتفيت بكذا... مت!!... ببساطه مت!!

في الرياض  
في مبنى انيق جدا  
مجلة " اضواء"

طالع بالأوراق اللي قدامه... وهز راسه بغضب وهو يطالع برئيس التحرير اللي كان جالس وهو ينتفض  
قباله... مو معقول الشيء اللي قاعد يقراه... اكيد انه بكابوس... ومو اي كابوس... اسوأ كابوس ممكن

يعيش فيه اي واحد يشوف اللي بناه بسنين قاعد ينهد قبال عيونه...

: وش ذبيبي؟؟.."

صرخ " شجاع" في هالكلمه وهو يطالع بأرقام الديون الخيالية اللي عليهم...معظم الصحفيين ما استملوا شيكات رواتبهم...وبعضهم رافعين دعاوى يطالبون بحقوقهم كاملة...وارقام المبيعات جدا منخفض...وقاعد ينزل الرقم اكثر واكثر كل شهر....

شلون صارت هالأمر كلها؟؟..اهو بس سافر سنة...وترك المجله وهي على افضل حال..شلون فجأة لمن يرجع يلقي الدنيا سايبه والاوزاع مقلوبة..

لازم اهو يتصرف...ايه...لازم يتصرف ويجدد الادارة كامله...ويرجع سمعة المجله مثل اول...وجديد..  
سمع ثرثرة رئيس التحرير...وهو يببرر اخطاه...بس مالمقى لها اي بال..وهو يطالع بالخاطرة اللي مكتوبة قدامه..كانت خاطرة غبية جدا من وجهة نظرة المكتبرة والرافضة لأي شيء جديد...

"عاشقة واهية"

بحبك ملأت فراغ وجودي

وبدفع حنانك الودود

أذبت حرماتي

واينعت انوثتي بعد صدودي

على نسايم همسك وعطره

وعلى غيث من رقيق الوعود

وفي ظل غزلك وسحره

ترعرت فرحة صباي..وهل نجم سعودي

\*\*\*\*\*

والان صار حبك هاجسا يؤرقتي

حين عيي قلبي عن الجواب

صارت هماستك تهددني

بالتحول والانتقال

وصار غزلك يذرني

بلومك والعتاب

حين يأتي يوم وتسالني

اين انا من الحب والاحباب

\*\*\*\*\*

وتسالني عن حبي وتتنظر جوابي

وامام خوفي وحيرتي وارتيابي

قلت اذهب بعيدا دون اياي!!

\*\*\*\*\*

لست كما تظنني قاسية...

ولكني ماعرفت لشعوري ماهية

فلا تعتبرني انسانة عادية

ولكن اعتبرني عاشقة واهية!!

بقلم "النورس"

اول شيء لازم يبدأ فيه...هالصفحة الغبية في اخر المجله....اللي تضم اتفه خواطر قراها في حياته كلها...لازم يلغياها من الوجود...مثل هالخواطر البشعه مصيرها الزبالة..مو مجلة محترمه مثل مجلته...واكيد اهي بداية سبب الخسائر اللي لحقت فمجلتهم من كل جهة...

"مضاوي" و"عبدالله"...والله اعلم وش صار له!!  
"هيفاء" ودموعها وجزء من ماضية القاسي!!  
"نورس" واحلامها اللي راح تتحطم قريب...وقريب مرة...على يد "شجاع" و"شجاع" بس هو القادر  
على تحطيم ارق مخلوقة بالوجود...  
وأخيرا...سعود وتحطمه بسبب ضياع الفرصة الثالثة ويمكن الأخيرة....

#### الفصل 4

#### "افراح الحزن"

مرت الأيام والليالي على ابطالنا بهدوء رتيب...كل واحد فيهم ينتظر مصير شيء معين....هيفاء تترقب  
بصمت زواج بنت عمها اللي خططت فيه اسوأ التخطيطات...ومضاوي تنتظر بخوف رجعة ابو علي  
ومعاه 20 من مزايين الببل اللي ابوها طلبها كمهر لها...بعد اقناع من امها اللي كانت عارفة شلون تبعد  
ابو علي عن طريق بنتها وبدهاء...ويدون ما تحسس رجلها ان هالطلب راح يبعدة.. البخيل للابد..وهذا  
اللي كانت تدعيه هي وبناتها...

اما..بالنسبة لبطلنا سعود...استسلم لقدره وترك شغلة الالهام على جنب...لكنه كمل اللوحة عشان يستفيد  
منها بمعرض الشباب اللي راح يقام بعد فترة...ومارية...كانت مشغولة بخياطة بعض التصاميم عشان  
تسلمها لبوتيك "لول"....ولكن سعود ظل في بالها...يروح ويرجع ويلمع بفكرها خصوصا اذا شافت اي  
رجال يشبهه...

نجي لنورسنا الناعمة الرقيقة...نورس استغربت ان اخر عدد من المجلة ماعرض لها الخاطرة اللي  
ارسلتها...وكم ان استغربت من شيء ثاني صار..ان فيه رساله وصلتها من معجب...وكانت تمدح اخر  
خاطرة نزلتها في اخر عدد!!!! وهالشيء خلاها تبدا تفك خيوط لغز رسايل المعجبين...لكن قبل كذا كان  
لازم تروح للمجلة وتشوف وش السالفه بنفسها!!  
شجاع...كان يحاول ينفذ مجلتهم اللي سمعتها وصلت لحضيض بسبب الرشاوي اللي كان يتقبلها رئيس  
التحرير...

وبدا بتجديد شامل لاقسام المجلة...ووجه دعوة لبعض كبار الكتاب...مع ارقام شيكات للتفاوض....  
لكنه على صعيد المشاعر يحس بكره فضيع للنورس الغبية اللي كانت تكتب الخواطر التافهه خصوصا لمن  
عرف شلون نشرتها بالمجلة وكيف قدرت تضحك على رئيس التحرير الغبي....!!!

في قاعة من افخم قاعات الزواج اللي بالرياض..  
المقصورة

كانت افراح ال... ال... ال... على اخرها...  
والالعب النارية ماليا السماء...  
خصوصا ان الليلة زواج ثنين من اغلى عيالهم  
والعايلتين متداخلة النسل... يعني عم اخذ خالة... خال اخذ عمه... وهكذا..  
طبعا... الطق والمغنى واصل لآخر الدنيا...  
والفخامه والترف في كل ركن من اركان المكان

في قسم الرجال...

كانوا اخوان العروسة... والعريس واقفين والفرحه مرسومة على وجيهم..  
ويتبادلون المزح واصوات ضحكهم تتعالى بالمكان... وفيه بعض الناس تحمد ربها وهي  
تظالعهم... ^\_^ وداخل انفسهم يقولون مسكين ماصدق تزوج!!!  
كان واحد من اخوان العروسة واسمه "نواف" مو مصدق ان اخته الكبيرة اخيرا وافقت على ولد عمته  
الغالي... "هيثم"  
من سنين وسنين وهو يخطبها ومن سنين وهي تصده بدون ما تشاور نفسها.... وفي اخر خطبة كانوا  
متأكدين ان الموضوع نفسه راح يتكرر..  
لكن الصدمه اسكتتهم... حتى انهم اليوم وهم بعز فرحتهم مو مستوعبين ان اختهم وافقت اخيرا على  
الرجال اللي صدق شاريها ولا فكر يتزوج غيرها...  
حتى ان نواف يدعي ربه ان الزواج يتم على خير... ولا يدري ليش قلبه مقبوض... يمكن بسبب هالموافقة  
المفاجأة... وهو ادري الناس بأخته ويتمنى ما تفشلهم وترفض العرس فجأة... عاد وقتها ما حد يقدر  
يغضبها خصوصا ان كبار العايلة حلفاءها....  
وبعدين هالفرحه طعمها غير عن كل الفرحات.... هالفرحه جات بعد حزن عميق.... حزن تخللهم سنتين  
طوويلة اطول من اي حزن ثاني... هالفرحه جات بعد موت اخوه اللي الان يحاولون يطلعون  
منه... ويستوعبون ملابساته المفجعه....  
صدق انه في حياته ماكان غالي بالنسبة للثانين.... لكنه كان بالنسبة ل"نواف" اخو غير كل  
الأخوان... كان يقدره ويفتخر فيه... حتى وهم يعرفون كل المصايب اللي للاسف كان يسويها... كان يحب  
يلبس مثله... ويحب يقلده... رغم فارق السن الكبير اللي بينهم...  
تنهد بحزن وهو يحاول يبعد صورة خالد عن راسه... وصورة جنته المتشوهه.... ورجع يمزح مع  
العريس اللي كان لابس مثلح سكري انيق...

ههه...يحسبون ان زواجهم بيرفكت!!  
قالتها بطريقة وهي تمر بعيونها على كل الورود الطبيعية اللي جابوها من هولندا...وتكدست بشكل مرتب  
في اماكن متفرقة من القاعة الضخمة...  
كانت توزع ابتسامات مدروسة للناس اللي تشوفهم بكل لحظة...وهم مهم مصدقين ان اخيرا هيفاء طلعت  
من قوقعة الحزن على خالد...ورضت انها تحظر الزواج اللي ماتوقعوا ابدا انها ممكن تحظره...خصوصا  
وهم يعرفون مقدار العداوة اللي كانت بين خالد واهله...وكانوا يعرفون ان هيفاء كانت ويا صف خالد  
وكانت ضد كل شخص في العايله يقولها الصدق..او يحاول ينصحتها...  
قالت وهي تبتسم لنورس: احس بمشاعر غريبة وانا اطالع فيهم..."  
نورس ردت وهي تمسك يد اختها: هيفاء...ليش حظرررتي؟؟...كلنا عارفين ان الوضع صعب عليك..."  
هيفاء لمعت عيونها بقوة: صععب؟؟.."  
قالتها بصوت مبجوح ومجروح...  
الوضع مو بس صععب...الوضع مؤلم مميت...جارج قاتل..اهي تبي تألم كل شخص المها...وتبي تقهر كل  
شخص يقهرها...اهي المها تعدى المجرات وتجاوز الحدود البعيدة...  
المها تجاوز الاف السنين الضوئية...وانغرس في اعماق اعماق قلبها...  
اهي عارفه ان اللي تسويه غلط...اهي عارفه ان خالد مات وانتهى...لكنها مو راضية تصدق...تبي تنتقم  
منه...وتنتقم له في نفس الوقت...  
فيها طاقة حزن فضيعة تبي تفرغها بالأشخاص اللي حولها...الأشخاص اللي قالوا عنها كلام كثير مؤلم  
في الماضي...  
وبنت عمها...اللي هي اخت" خالد" للاسف اكثر شخص المها...اساسا اهي سبب موت خالد...اهي اللي  
بحقدها حاولت تبعده عن هيفاء...ما درت انها ابعده عن العالم كله...  
حست بيد نورس تمسكها بنعومة...فطالعت بأختها وهزت راسها بلامبالاة يعني انا كويسة.. وقامت من  
كرسيها...  
قالت لنورس وامها: بروح الحمام...عن اذنكم..."  
طالعوها بتوتر...خافوا منها...وخافوا عليها...اهم عارفين هيفاء اكثر من اي شخص ثاني...وجلست  
هناء ان مابنتها ماتسوي مصيبة...او على الأقل ما حد يشوفها...  
  
راحت هيفاء بسرعه...ووصلت عند بوابة الخروج...لاحظت ان خوات العروس مشغولات جوه...شكل  
بنت عمها وصلت...  
دقت على رقم...وهي تلبس عبايتها بسرعه وتحاول انها ماتثير الشكوك في الناس اللي يطالعونها...  
سمعت صوت ناعم  
: هلا والله بالقمر.."  
هذا كان واحد من اخويها...  
قالت وهي تبتسم بخبث  
: هلا حياتي...ها...مستعد للي قلت لك؟؟"  
رد عليها بلهفة



سكت نواف شوي.. والتفت لآخوه الصغير وبعد عن هيثم والباقيين وقاله

: تعرف البنت اللي واقفة هناك؟؟؟..."

ابتسم آخوه الصغير وقال بأعلى صوت

: الحلوووة؟؟؟..."

طق نواف آخوه على كتفه

: اقصر صوتك... فضحتنا..."

قال آخوه وهو يحك كتفه

: ايبيبيببي... ايه اعرفها... هذي هيفاء.. بنت عمي عبدالعزيز..."

سرح نواف وهو يسمع اسم هيفاء..... ياه من متى ماشاف هيفاء... هيفاء مرت خالد... وش

الطاري؟؟.. وغريبة انها حاضرة....

طالع بتوترها وهي تلفتت وكأنها تدور على احد... وقرر يروح يشوف وش تبي؟؟.. خصوصا انه يشوف

انظار الرجال وهم يقزونها...

وصل عندها وتحنح...

التفتت بسرعه وكأنها مفزوعه...

قال نواف باعتذار:

اسف اذا افجعتك... وش تدورين يا هيفاء؟؟؟..."

هيفاء استغربت انه عررفها... وتساءلت اذا لسه يذكر شكلها... اكيد ان غطاها خفيف... حسست بدقات قلبها

تتسارع...

قالت بنعومة

هلا... نواف... كيفك؟؟؟..."

رد نواف بخجل غريب عليه... بس لأنه ما سألها وهي سألته

: بخير... وانتي؟؟؟..."

هزت راسها يعني وانا بعد وسكتت...

نواف رجع يتكلم

: وش تدورين؟؟؟..."

هيفاء وهي تبتمس براحه وهو يشوف اسنانها الحلوة من تحت الغطا الشفاف

: الصراحه جوالي طفا... وانا... انا... ادور عن السواق..."

نواف تلفت حوله

: ما اعرف سواقكم... بس وش سيارتكم؟؟؟..."

اسكتت هيفاء تفكر بجواب وقالت بكذب خبيث

: هه... لا تحرجني يا نواف!!... ما افهم بانواع السيارات... بس لونها اسود..."

نواف قال جواته مالت عليكم يالبنات فالحين تبون اخر موديل وانتم ماتعرفون اسمه... طلع جواله

واعطاها اياه...

ووقف قدامها... لاحظ انها ما تكلمت... فنسى انه حاط قفل... اخذ الجوال من يدها من جديد... فتلامست

ايدينهم... جزعت هيفاء... وسحبت يدها بسرعه... وبعدت عن نواف بتلقائية... ما عمر اي رجال لمسها... الا

خالد... خالد وبس...

بلعت ريقها وهي تشوف وجه نواف يتوتر... وعطاها الجوال وابتعد عنها... سوت بحث سريع

للارقام... وابتسمت براحه وهي تشوف الرقم... وحفظته بسرعه... ودقت على سواقها عشان يجي

قريب... عشان ماتطلع كذابة...

طالعتها نواف لمن اعطت الجوال لواحد من الصغار.... من اليوم ماشال عينه عنها...جميله...وهو اللي يذكرها زين...اهو اللي انصدم بخبر خطوبتها لخالد...اهو اللي كان ينتظر لحظة تخرجه من الكلية الحربية...عشان يتقدم لعمه عبدالعزيز...لكن الصدمه هزته...اخوه ومو اي اخو اغلى اخوانه على قلبه...وهيفاء...الحبيبة المستحيله...تزوجوا...وش كان يقدر يقول؟؟..كان اناني وحسدهم كثير...وكانت نيران بقلبه مجنونة تشتعل لمن يشوفها تبتسم لخالد...او اي حركه حميمة طبيعية تسويها له...اه يا الزمن...هذا هو خالد مات...لكن حتى بموته كان لسه ماخذ هيفاء منه!!  
والدليل انه لما فكر يخطبها قبل فترة كل الناس عارضوه وقالوا له ان هيفاء صارت اشلاء بعد وفاة رجلها...وانها مراح تكون ابد معه جسم وروح....  
شاف الولد وهو يمد يده للجوال...وحس انه بعالم ثاني...  
اخذ الجوال...وقام يطالع فيه...ويحس فيه شيء تغير...وكانت ريحة هيفاء مالية جواله الملبس بالقطيفه....  
حس بيد ثقيلة على كتفه....فانتبه لهيثم...اللي كان يطالعه...وكأنه عارف وش يفكر...  
هيثم ببساطة: هذي هيفاء بنت عمي عبدالعزيز...صح؟؟"  
بلغ نواف ريقه: وشووو؟؟...ايه...مشاء الله كيف عررفتتها؟؟"  
هيثم بكل برود: اعرفها زين..من زود الغطا..اللي اهي حاطته؟؟.."  
نواف استغرب برودة لهجة هيثم...وحس برغبة في الدفاع عن هيفاء...مسكينة كلن جاي ضدها..حتى خواته يكرهون سيرتها...  
نواف بتوتر: ماعلينا منها...ما قالوا لك متى بتدخل على العروس...؟؟؟"  
هيثم وجواله يدق ومو راضي يسكت: لاء....ياربي هالرقم ذبحني...خلني برد عليه...وارجع لك...وانت دق على خواتك واسأل.."  
هز نواف راسه...ودق على خواته..وهو يسولف ويمزح معاهم...سمع صوت صرخة من هيثم...والتفت بسرعه....لاحظ ان المعازيم كلهم يطالعون جهة هيثم...اللي كان شاد على الجوال بقوة...ووجهه سود...استغرب نواف من التغير اللي صار فجأة عليه...  
وراح يمه بسرعه...بس هيثم ما اعطاه مجال...ركض قبل لا يوصله وركب سيارته وراح....  
وقف نواف مفجوع يراقب سيارة هيثم اللي راحت...وش يسوي ذا؟؟؟

في الصحراء

والليل يغطي المكان

والأجواء مخيفه نوعا ما للناس اللي ماتعودت على الصحراء

لأن الظلام دامس...ويهيء للناس اشياء كثيرة

بس الجو كان روعه...خصوصا انه نزل شوية مطر من ساعات...

فطلعت ريحة الأرض والاعشاب البرية القليلة

كانت جالسها هي وخواتها....واصوات ضحكهم وسواليفهم مالية الجوو...وعبدالله نايم بحظنها...من زمان ماحسوا بهالراحة...ابوهم رايح يبيع بعض من غنمه..وهذا تعتبر احلى فترة عندهم...لأن مافيه

احد يضايقهم ويزن فوق روسهم...واذا على " شعاع" فهم معطينها الخصران اللي بيقطع مصرانها  
قالت مضاي وهي تضم عبدالله اقوى لصدره وهو متضايق  
: اذا تجوزت ان شاء الله...باخذ معي عبيد...."

هيلة وهي تشرب شاهي

:من صدقك؟؟.. ابوي بيعيني.."

فضة وهي تاكل فطير وتغمسه بلبن

: لا...موو معيني...اهو يبي الفكه منا واحد وري الثاني.."

مضاي وهي تبتسم بوجههم ووجهها منور

: ومن قال انه بيفتك مني؟؟...بجيبه هنيا وبنسكن يمكم..."

فضة تتريق

: هههههههه...ايه مرررة بيطيعك ابو علي..."

مضاي بغرور

: يا شيخه....ابو علي مو بس بيطيعيني...الا بحركه كأنه خويتم في اصباعي الصغير.."

واشرت لهم على اصباعها الصغير وهي جاده بكلامها

هيلة وهي مقهورة من غرور اختها

اسكتي اسكتي بسس...لا تسمعك شعاعوه الحين وتبلشنا..."

سكتت مضاي وهي تطالع حولها..صح اذا سمعتها شعاع بتسود عيشتها صح...وموو بعيد تقول لبوها

عن الحكى ذا...ياويلي وش بيسوي ابوها اذا درى انها تكلم عن الزواج بالشكل ذا؟؟؟\*\_\*

ابتسمت فضة فجأة

: ياه...مين يصدق ان مضيوي تجوز قبلنا؟؟؟..."

وكلت

: اذكر يومك صغير....كان حمدان يشيلك ويرفعك...كنك بنته...ويطير بك في السما...ويدور بك...كنت

احسدك..."

هيلة وهي تغمض عيونها بقوة عشان ماتبكي

: ومن زين جوازة مضيوي...؟؟؟...كل اللي صار لنا بسبب حمدان...و...و"

ولا قدرت تنطق الاسم...وبلعت ريقها بتوتر

مضاي وهي تصب شاهي لخواتها

: اذكرن الله..وانسن هالسيرة...واذا على الجواز...نصيبك يجيك لو انك في اخر هالأرض..."

هيلة والعيرة خانقتها

: من بيتجوزنا وعيال عمنا هجوا عنا واتركونا؟؟؟...تكلمي...كلن يظن ان العيبة فينا...مضاي انت

صغير...ما تعرفين النيران اللي بصدورنا..."

فضة وهي تحاول انها تكون متماسكه لأنها الكبيرة

هيلوووه...خلاص عاد...من باعنا بعناه لو كان غالي...."

هيلة بحرقة وغيره من مضاي

: ليش ابووي يجوز مضاي قبلنا؟؟؟...انا احق...واكبر.."

حست مضاي بنيران تغلي بصدرها....

وقالت ببرود

: اذا بتحسديني على ابو علي...فعر الله انك ماتعرفين الحق...!!"

هيلة وهي تنفخ بوجه مضاي بعصبية

: من يومني صغير...وكل شيء لمضاي...حتى شعاع اول ماتجوزها ابوي...كانت تحبك..تذكرين يا فضة

يومها تخبي العيشة لمضاي..وتطردنا.."

فضة بصعوبة

: خلاص يا هيلة... هذاك اول... بس الحين... تبدلت الاحوال..."  
مضاوي حست بغيرة خواتها منها... وتجمعت الدموع بعيونها... بس ما بكت... انا ماراح ابكي... وليش ابكي؟؟... والله اني قايله ان ابو علي خيرة...  
وطالعت بعبداالله وكلمته جوات نفسها  
: شفت شلون انا وياك؟؟؟.. كلن ضدنا... محد ويانا..."  
اذا هيلة اللي مضاوي تبديها على نفسها طلعت تغار منها وتحسدها على شيء تافه ماله اي قيمه بذكرى مضاوي...  
تحسدها على محبة العقرب شعاع... محد فاهم ان شعاع ماكانت تحبها... كانت تمثل قدام ابوها... لأن ابوهم كان يغلي مضاوي على الباقيات... ويحبها زود عنهم...  
طلعت شعاع من بيت الشعر  
وصرخت عليهم بأعلى صوت ودعت  
: نامن جعل التريان تنام عليكم... اصواتكن تصحي الورعان..."  
ردت مضاوي بحرة  
: وانت معانا... امين..."  
ردن البنات بصوت واحد وري مضاوي  
: امين..."  
شعاع وهي تحط يدها على خصرها وتهز  
: ايبيبيبيبيبيبه الحين طلعت حسوسكن... ويوم ابوكن فيه... ما تقدرن علي... ما كون شعاع اذا ماخليته يربيك من جديد..."  
مضاوي بغضب وكره دفين  
: خليه يربيك اول..."  
شعاع وهي تخبط صدرها  
: الله يا مضيوي... وووين ذاك كله امس وقبله؟؟؟.."  
مضاوي ببرود  
: ترى موو بس انتي اللي تمسكينين... حتى انا صرنا نتمسكن..."  
سكت شعاع وهي طالع فيهم مقهوورة... وكانت تبي تكلم زود... بس سمعت صوت واحد من اطفالها يصيح...  
قالت بأعلى صوتها وهي ترفع يديها لسما وكنها مظلومة  
: حسبي الله عليك... حسيبين كافي..."  
تنهدت فضة وهي تشوف شعاع ترجع تدخل بيت الشعر... ووقفت  
: انا بنام... لا تاخرن بالسهر..."  
هيلة بعد ووقفت  
: وانا بروح معك...."  
مضاوي ما ردت على خواتها.. وجلست مكانها تراقب خطواتهم بصمت وهم يروحون لبيت الشعر..  
ضمت عبداالله بقوة وهي تزيد النيران اللي قدامها... وتغويه بالبطانية حقتها لأن ما عنده وحده...  
سمعت صوت ذيب يخترق الأجواء من حولها... بس كانت متعودة على مثل هالأصوات... وما تأثر فيها لأن اول... قلبها قوي بالأيمان... وثانيا... عيشة الصحارى زادت قوتها... مشطت شعر عبداالله باصابعها... كانت تطالع الجروح اللي على وجهه من اثار العقال حق ابوها... ضربه قبل كم يوم وبدون سبب واضح.. كان عبداالله يلعب مع الصغار... وطيح واحد بدون مايدري... وشافه ابوها... فمسكه وضربه ضربه... وجدده بكل قسووة... وخلاه بالشمس حافي... ومضاوي تتوسل ابوها وترجاه يخليها تدخله... بس ابوها عيي ولا لان قلبه وهو يسمع صياح ام عبداالله... وهي تدعي ان ولدها يموت ولا يغربلونه بها لطريقة...  
مضاوي بحسرة

: شلوون يدعون عليك بالموت وانت ولدي؟؟؟.. ما يعرفون غلاة الضنا؟؟.."  
وضمنته بقوة وهي تحاول انها ماتصيح اذا تزوجت ابو علي راح تاخذ عبدالله... ماراح تتركه ابد... وهي متأكده ان ابو علي ماراح يعيي عليها...

ايطاليا

## قريه Courmayeur

في الصباح الحلو.... مع زخات المطر الخفيفة النقية...  
ومع رائحة القهوة الأمريكية المحببه عندها...

كانت " مارية" تشتغل بحماس... في بوتيك مدام " لولا" وهي ترتب قطع الفستان الأحمر الساحر اللي يصلح لمرافقات العروس... على المليكان ( عرايس العرض)...  
وطبعا كانت تشتغل في واجهة المحل... وحاسه بحماس حلو... خصوصا وهي تشوف اعجاب المارة بالقطع اللي ركبتها... كانت تشوف تعابير وجههم... وحست ان هذي بداية الالف ميل للوصول لحلمها...  
بداية حلمها... وهي عارفة ان حلمها كبير... واكبر من انها تتخيله... لكن وش العيب في الاحلام... غير انها احلام؟؟....  
خلونا نترك " مارية" تشتغل شوي على قطعها... وتعالوا ندردش عنها... " مارية" بنت سعودية من ام اسبانية لها اصل مغربي....  
التقى ابوها المتوسط الحال بأمرها في " مارية" في اسبانيا... وانهبه بجمالها اللي يمزج بين الغرب والشرق في أحلى صورته....  
اعجبته كثير... وكان بيبي يكون معها علاقة ويروح... لكنها كانت قوية... ورفضت كل محاولات استمالته...  
كان ابوها اساسا مرافق لأحد الشخصيات الهامة... ومثل مانعرف المرافقين وضعهم المادي جدا عادي... صحيح انهم يعيشون برفاهية في السفرات... لكن وضعهم المادي في البنوك جدا عادي....  
قرر انه يستشير الرجال اللي يشتغل عنده وهو الخبير بعلاقات الحريم... فقال له هالخبير بكل بساطة... تزوجها... ايه نعم... تزوجها... عيش معها فترة وبعدها طلقها... وكل واحد فيكم يرجع لديرته...!!!

اخيرا وقع اتفاق مع راعي معرض الفنانين الشباب في ميلانو... بعد ماوراه اللوحة اللي رسمها مؤخرا... وهي اللوحة اللي تتوسطها مارية بكل حلاوة...  
اعجب الفنان الكبير بالسفن باللوحة ومدح سعود كثير... وطلب منه يرسم اكبر عدد من اللوحات اللي فيها مثل هالأحاساس الحلو اللي ينبض في الوان اللوحة الذهبية...  
وافق سعود على الموضوع ببساطة وبدون نقاش... حاليا ما عنده اي موضوع يشغله غير هالبننت... وصراحه له فترة ماشاف وحده تلفت نظره بنفس الطريقة...  
كان يمشي وهو يطالع حوله بملل... مشتاق للسعودية كثير... له فترة ماراح لها... بيبي يجلس مع امه

وخواته....بيبي يسولف مع ابوه عن شركات العيلة....  
بيبي يحس ببرد الرياض الجاف والقارس....بيبي يمشي بزحمة شوارعها...ويقابل اصحابه ويحظن عيال  
عمه الصغار ويلعب معهم....  
الصراحه طفش من هالعربة...كم له وهو في ايطاليا؟؟؟..سنين وسنين....وحقق حلمه؟؟؟..لا..شكل  
حلمه عمره مراح يتحقق...  
" مشكله الفنان ماتت تعرف قيمته الا اذا مات"  
قالها بسخرية وهو يحك شعره الناعم..  
وكمل وهو مقهور

: يله وقتها بيكون في زوجة وعيال يستفيدون من موتي"  
مر بمحل يبيع القهوة بأشكالها وانواعها المختلفه...والروائح الشهية منتشرة بالجهة هذي من الشارع...  
دخل المحل اللي كان مزحوم...وقعد ينتظر دوره ويتسلى بقراءة المنيو اللي على الجدران..  
شاف اطفال صغار قدامه....يتهاشون على الدور...ضحك على شقاوتهم وحلاوة روحهم وبراعتهم  
الواضحة من تصرفاتهم العفوية...  
ابتسم الطفل الأشقر لمن ابوه شاله...وبانت له غمازات حلوين وواضحين بخدوده...غمض سعود عيونه  
ثنائي وهو يبتسم للطفل...سبحان الله يشبها كثير...كأني اشوفه فيها...اللي ضحك انه لمن علم صديقه  
عن هالبنت...صديقه صفق وهو مبسووط...يقوله والله وعرفت تختار وتحب يا سعود...  
صدق ان خويه مخرف...شلون يحب؟؟؟...يحب وحده مالمحها غير كذا مرة...هذا موب حب..الحب عشرة  
ومواقف...عمر الحب مايتكون بهالطريقة...الحب بعد الزواج...في معظم الأحيان...وهذا اللي شافه  
بأصحابه...معظمهم كانوا كارهين الزواج وطاريه... وهالحين مرابطين ببيوتهم اربع وعشرين ساعه....

طاحت منها الدبابيس الصغيرة اللي كانت تشتغل فيها على الفستان...كانت مو مصدقة نفسها..لزقت  
وجهها بالشباك...هذا هو...نفسه ايه...الرجال ابو شعر اسود..الطوو...اه...تنهدت مارية وهي تغمض  
عيونها وتفتحها من جديد...

طقت على القزاز بعجز وهي تكور يديها...وتطالعه ينتظر دوره في المقهى القريب مررة...واللي قدام  
المحل ومايفصل بينهم غير مسافة قصيرة تسمح بمرور سيارة وبس...تحس بخدر بجسمها مو قادرة  
تتحرك وتروح للباب وتطلع منه وتركض له...وتقوله" اخيرا شفتك"  
سمعت صوت العامله من وراها وهي مستغربة وقوف مارية كذا...التفتت لها مارية...وسألتها بحالمية:  
كيف شكلي؟؟.."

ولمن تذكرت كالعاده انها بايطاليا مو بمكان ثاني...طالعت بقزاز لواجهة اللي واقفة وراها...ورتبت  
شعرها الناعم القليل المبعثر...

مشطته باصابعها..وظلعت مندبل ومسحت وجهها المعرق...وابتسمت براحه وهي تقفل الأزارير العلوية  
للقميص الحريري الأبيض اللي لابسته...عشان يترتب شكلها...وشدت تنورتها القصيرة الفوشيا...  
وحاولت تتحرك عشان تنزل...بس حست بشعور غريب ثاني...وماقدرت تحرك رجولها اللي كأنها  
انصبت في قالب اسمنت...

طالعت فيه وهو أخيرا...ياخذ كوب القهوة بأناقة...ويسلم العامله الفلوس وهو يبتسم...كان  
مذهل...بقميصه السماوي...وينظونه الرمادي الحلو...والجاكيت اللي شكله مفصل خصيصا لجسمه  
باللون الأسود الفخم....





فالتفت بحده وشففت المخلوق اللي مفروض يكون زوجتي...تلفت وتطالع فيه...شكلها متحسره على مفارق هالحيوانات....

رجعت ركزت من جديد بالطريق...وانا احس بشعور من الأشمزاز يزيد بداخلي...شكلها مقرف هالانسانه...بثوبها الأحمر...وسروالها الطويل المطرز...وبرقعها اللي كله قروش...وجلستها واكيد ان صوتها بعد مقرف مثلها...صح...

هي اللي بتخلي روس اهلي بالتراب...خصوصا لمن تحظر اجتماعات العايلة الأرستقراطية...هه...مووو قادر اتخيل شكل عماتي وبناتهم وخالاتي وهم يطالعون فيها من فوق لتحت...صح بيتشمتون بقوووة بأهلي...

عشان يعرفون ان " مارية" كانت راح تكون الزوجة المثالية لي...الزوجة اللي بتشرفهم عند الناس...كانت باختصار...راح ترفع روسهم فوق...لكنهم اغبياء...اه... رجعت امسك الطارة بقوة احاول افرغ فيها هالمشاعر المكبوتة داخلي....

" مضايي "

كنت احاول اغير من قعدتي كل شويه...ما كنت مرتاحه ابد...وانا اشوف هالرجال اللي جنبي...ينوح كل شوي ويتأوه..مابقى الا يحط اللطمة ويصيح...مثل الحریم..

الصدق مانيب متعوده على مثل هالاشكال...

صدق ان رجال المدن مثل الحریم...ما بينهم اي فرق الا هالشوارب واللحية...

طالعت ببدياتي...كنت حاطه حنة حمرا...الله يهدي ميمتي...

قلتلها ماله لزمه...

اهل المدن ذولي مايعرفون زينتنا...بس عيت...

ارتحت وانا اشوف وجهها منور...

وواضح على وجهها الراحه اللي كانت مفارقتها سنين طوال...

مدري على وش مرتاحه؟؟...مرتاحه اني صرت مرت واحد من هالرجاجيل اللي مايعرفون حتى كيف

يتكلمون كلمتين على بعض....

مثل رياجلبنا...

تمقلت فيه بدون ما ينتبه...انا ماصدقت افنتكيت من ابو علي وعياله رجعت ب...،،،يوووك...ياويلي ويلاه

اثاريني نسيت اسأل ابوي عن اسمه...!!!

وش اقوله هالحين؟؟...اقوله يالاجودي تراني ما اعرف لك اسم!!....

طيب ذا رجلي يعني اقلها الله يهديك يا بيه كان قلت لي اسمه...

صدبت عنه بسرعه يوم لاحظت انه التفت لي....

قلبي يرفع بقوة بصدري...احسه بيطير من بين ضلوعي..

بلعت ريقى...حلقي جاف..ما شربت شي من الصباح...ولا نزلت اللقمة ببطني...انا اللي عييت ان اكل

وادوق العيشة...

كان خوفي على عبيد مهبل بي...

بس زين ان هالرجال طلع فيه خيرة...

ورضا اني اخذ وخيي....بعد قلبي عبدالله...

تلفت اشوفه...وارتحت وانا اشوفه يمسح عيوونه ببدياته ويمد بوزه...

كان الجوو برید... وتمنیت لو معی بطانیة اغطیه فیها...  
رجعت اتربع علی هالمقعده العجیبة... الصراحه انها مریحه... شین غریب... موب مثل مقعدات الددسن حق  
ابوي...  
كبیره وریحتها زینه... تقل فیهن طیب... تلمستها بلقافة... واعجبني هالقماش اللي فوقهن...  
رجعت اطالع حولي... واشوف لكم ذاك الشيء الغریب... شین معلق... مدري وشووو؟؟... معلق فوق مرایة  
صغیره شكلها غریب... لونه احمر... ومدري وش اوصفه لكم... اعجبني حیل... ومدیت یدی ببطء... ابي  
اتلمسه...  
بس اول ما مدیت یدی... زعقت وانا مفجوعة یوم حسیت بیده... یممه...  
یده كانت كبیره وبیضا ماهیب مثل یدیات ابوي...  
وبعدین كانت باردة... عكس یدیاتی...  
قال لي وهو يطالع فینی من فوق لتحت.. کني مانیب عاجبته...  
: لا تلمسین شیء.."  
سحبت یدی منه بقوة... وحطیتهن بحجری...  
وبلعت ریقي...  
هاووو وش بلاه یتکلم معي کذا؟؟؟.. کني سارقتن له حلال؟؟؟...  
حسیت برجفه وانا احاول اني ما افضح عمري... لاحظت انه عود يطالع الدرب...  
كان بالحیل مزیووون... اشهد اني عمري ما شفت له مثیل...  
کنه امیر... کنه صقر... او حصان عربي اصیل...  
سبحان الله... هذا اللي قدرت اقله وانا ارجع اطالع بلقافة بالمکان اللي قدامي...  
كان فیه... صوت عجیب... صوت تسمعه ما تمله...  
مدري وين اللي یطلعونه؟؟؟... ما فیه احد غیرنا... تلفت حولي... یمکن یكونون وری؟؟... بس ماشفت  
شیء... عودت اسمع الصوت واحاول اني افهم الکلمات الزینه اللي یقولونها...  
یاوه  
ابک ذی وش تقوول؟؟؟... مانی فاهمه حرف من اللي تقوله... وراه تمجغ (تدلغ) تقل مالها والي؟؟؟.. الله لا  
یفضحنا... ذی مالها ابو یلمها ویریبها...  
یومها تکلم مع رجلی؟؟؟... هذلی حریم المدن... الله لا یبلانا مافیهن حیا...  
یوووووک... اسمعوا... اسمعوا وش تقول؟؟؟... تکلم عن العشق بدون حیا... الصحیح اني متجووزه  
واحد ماهوب صاحي...  
ولا وش هولہ ما یوقفها عند حدھا؟؟؟!! امیر یمکن عاجبه اللي یصیر؟؟؟  
حطت یدی علی ذقتي وانا اطالع فیہ... انا لربیک یا ولد الحظر... واربی عشر مثلك... بس اصبر علیي...  
عودت اتلمس الرکن اللي قبالي... کان فیہ زی الفتیحة الصغیره...  
یطلع منها هواء وش زینه باردن حییل...  
ایه شلووون یصیر؟؟؟... ما اخبر ان بددسنا مثله...  
ایه ابووي قال لي ان لرجلك حلال وش کثره...  
یمکن ذی من دراهم حلاله...!!

" سعود "

مدري وش صار لي يوم رفعت صوتي عليها... ما كان مفروض اعاملها بها الطريقة... بس اهي الله يهديها قامت تلقف...

ولمست شيء غالي على قلبي... هذا القلب هدية شوق القلب " مارية" هي اللي اهديتني اياه حتى انها هي اللي خاطته بنفسها وحاطه جواته صوورتها...

انتبهت للمخلوق اللي مفروض يكون زوجتي... هذا هي تلمس المكيف وكأنها شايفه لها عفريت... ولا المصيبة تدخل اصابعها جواته... وترجع تفحصه...

حاولت اني ما اضحك ولا اعصب بنفس الوقت..

ومسكت ايدها للمرة الثانية وابتعدتها... وكأني اعامل لي طفل صغير...

لاحظت انها سحبت يدها بسرعه...

اول مافهمت وش قصدتها بها الاسلوب... بس يوم لاحظت كيف انكشيت...

ولصقت في الباب....

حسيت باشمنزاز... لا يكون تحسبني...

وووووووووووع هذا اللي ناقص بعد!!

رجعت اركز بالطريقة وانا ادور لي على سيجاره... انا ما ادخن... ابدا لكن مرات اضطر اني

ادخن... خصوصا اذا مثل هالاشكال تركب سيارتي... لقيت سيجارة مدعوسة داخل ثوبي... فطلعتها ورميتها بفي... ووولعتها..

وصلت للطريق السريع... وحسيت براحه...

يله كلها ساعه ونوصل للرياض... ويشوف اهلي وش بيسوون؟؟..

قلت للمخلوق اللي جنبي

: امم... اسمك؟؟.."

لاحظت انها طالعتني من فوق لتحت... ولا اهتمت...

مع اني احتريت شوي مابقى الا هالاشكال تناظرني كذا!!!

ردت بعد لحظات وكأنها ما كانت فاهمه السؤال

: مضاي..."

صح ان نيرة صوتها بدوية بحته... وصوتها مرتفع حيل...

لكنه كان رفيع بطريقة غريبة... يعني لو توطي صوتها بيطلع جدا ممتع... للاستماع...

سألنتي شيء وما انتبهت وش اسألت؟؟.. فرجعت قلت لها

: وش سؤالك؟؟.. عيديه " Piz..

لاحظت انها رمشت بعيونها بسرعه... وكأنها مافهمت وش اقول...

بغيت اضرب جيبني بقوة... بس تماسكت... وش فيك تنسى يا سعود... اترك الأتيكيت على جنب... وكلمها باختصار...

قالت وهي تهز راسها وكأنها تكلم واحد خبل

: تراني مافهم وش تقوول؟؟.. تكلم معي زيبين... انت وشهو اسمك؟؟.."

حكيت رقبتني بقوة وابتسمت

: سعود طال عمرك..."

حسيت ان رقبتها ارتفعت.. وكان كلمة طال عمرك كان لها مفعول سحري عليها... هذي هي المرأة دايم

المدح يغيرها مهما كانت... بدوية!!

غيرت جو الكابة اللي مسيطر على الجيب... وخليت المخلوقه العجيبة تتفحص السيارة مثل ماتبي... حطيت

اغاني اجنبية...

وزدت سرعه السيارة... ابي اشوف الأنكسار بوجه امي وهيفاء اللي دمروني بكل بساطة وقالوا

ليش؟؟.. لمصلحتك يا سعود..

بكره بتعرف اننا سوينا الشيء الصبح... انا بعد بقولهم اني تزوجت لمصلحتي وبكره راح تفهمون ليش  
سويت انا فيكم كذا؟؟؟...  
شفت اللوحة الزرقاء اللي على الطريق...  
ومكتوب فوقها باختصار..الرياض 40 كيلو...  
ربطت حزام الأمان وانا اشوف نقطة التفتيش من بعيد...ورجعت اطالع بالشيء اللي مفترض يكون  
زوجتي..وحسيت بكره فضيع لها...جلستها بشعه...وهي جالسه بكرها فوق مقعد السيارة...  
" مَضاوي...ياليت لو تنزلين رجولك..."  
طالعت فيني وبعيونها بريق غريب...وبكل بساطة سفهنتي!!

" مضاوي "

اسمي عجيب بلسانه...كنه اسم عجم...موب اسمي انا...شكله ما يعرف ينطقه...اصح له...ولا  
عيب...؟؟...لا موب عيب...هذا اسمي...اسمي مَضاوي...موب مَضاوي...  
قلت وانا اسنع من قعدتي  
: اسمي مَضاوي..."  
طالعتني ببرود وابتسم وعود يطالع بالطريق...حسيت بخنقة وشيء يكتم على صدري...ودي اتكلم مرة  
ثانية...بس سكت مضطرة...شفت رجال واقفين على جنب...ويوقفون السيارات اللي قدامنا...ومدري  
وش ياخذون منهم؟؟؟...  
قال لي سعود بعصبية وبصوت مرتفع  
: عدلي جلستك...عدليها بلاش فضايح.."  
عدلت قعدتي رغم اني ما عرفت وش الفضايح اللي يقصد...!!؟؟...وش فيها قعدتي؟؟...كنت باسأله...بس  
شفت انه وقف يم الرجال اللي كان لابس له ملابس ذكرتي بحقين الأمن اللي كانوا يمرونا علينا كل فترة  
ويتقهون عند ابوي ويتعشون عندنا...  
قال الرجال كلمتين لسعود ما سمعتهم...شفت سعود يمد يده...لعندي...جزعت وكنت راح اصرخ...وش  
يبي ذأ؟؟؟...انا اشهد انه موب صاحي!!...  
بس مسكت نفسي..وقلت يا بنت يا مضاوي موب كذا تصرف المره العاقله...والحمدالله ماسوى لي  
شيء...بس خذاله اوراق من مكان غريب عندي بالركن...ما كنت منتبه له...  
شفته يعطي الرجال هالأوراق...ورجعت انا انبش بالدرج...ابي اشوف وش فيه؟؟؟...شفت فيه علبه فزاز  
غريبة...وشفت اوراق كثيرة...ثمن...شفت..  
شفت فيه فرد (مسدس)!!!حطيت ايدي على صدري...انا ماخاف من الفرد...بس ياخوفي  
هالخبيل...يكوون قاتل له احد...  
لا طالعت فيه مو مصدقة...لالالالا...ذا موب وجه انه يقتل احد  
...شكله حبيب وش زينه..وضعيف وولد حلال!!  
شفته الرجال الثاني..وهو يرجع الاوراق ل سعود رجلي...رجعهم سعود...ويوم قرب مني...شميت ريحه  
غريبة منه...كانت ريحة اول مرة اشمها...  
غمضت عيوني غصبن علي...وش هالطيب؟؟؟...شكله عود...  
من الغالي حق الملوك والامراء...ماهوب اللي ابوي يشريه لشعاع!!

كملنا الدرب....ولاحظت ان هالسيارة ...  
تمشي بسرررعه موب مثل ددسنا الله يرحم ايامه...شفت السيارات بدت تكثر حولنا...والصدق اشكالن  
زينه...كبار وصغار...وشفت بعد واحد مثل ددسنا بالزبط..مايينهم فررق كنهم اخوان!!  
وصلنا لمكان غريب...وبديت اشوف اشياء عجيبه...طالعت بسعود بلقافة ابيه يقولي وش هالشيء  
اللي قاعدتن اشوفه؟؟؟...بس والله الرجال موب يمي...مدري وش حاط بقمه...الريحه مالييه الجوو...  
شفته يطلع شيء من مخباته...شيء غريب...هالكبر...كبر يد عبيد...ويحطه جنب سموعه( اذانيه) ثمن  
بدا الرجال يسولف...علي..!!  
لالالا لالا ذا مايسولف معي...ياويلي شكل الرجال عقله موب براسه...  
وش هولة يتكلم مع نفسه؟؟؟...طيب هذاني مقعية(جالسه) عنده نقل جني...ليش ما يسولف معي بدال  
ماهو يسولف لحاله...  
قسم بالله ان اهل المدن يشيبون بالواحد وهو بعز شبابه!!  
سفنت هالمجنون...وقمت اطالع بها الخلق اللي اشوفهم حولي...كل شيء كان غريب في عيني...الناس  
تختلف عنا...والمباني حقتهم على كثر ما حكالي ابوي وانا صغيرة...بس ابد موب مثل اللي  
شفت...بيوتهم شوي وتوصل السما!!...يا زين الوسع...ان شالله بيت هالخبل اللي جنبي يكون كبر  
هالبيوت الزينه...انا الصدق احب الوسع....!!

"سعود"

كنت اسوق على مهلي...واحاول اني ابطأ من السرعه اكثر من البطء اللي قاعده تمشي فيه السيارة...  
كنت على كثر ماني متشوق لشوفا اهلي ورد فعلهم...على كثر ماني خايف من اللي سويته...ما اذكر ان  
الخوف دخل قلبي من قبل...بس هالحين احس انه بدا يسكنه ويدور لها اماكن داخله...  
طالعت بمضاوي واللي كانت ملصقه وجهها بالشباك...وقاعده تطلع وانا متأكد انها فاتحة فمها من اللي  
تشوفه...  
كنت اشوف نظرات الناس المستغربة وهم يطالعون للجيب الأنيق اللي راكبته هالحرمه المغبره!!ويرجعون  
يطالعون فيني...وبعضهم يأشرون...خصوصا الأطفال اللي كانوا مستغربين شكلها واللي انا متأكد انه  
مخرعهم...خصوصا مع هالبرقع اللي كله قروش من العصر الحجري!!  
تنفست بعمق...وانا اخذ اخر لفة توصلني للقصر...واحاول اتخيل كل ردادات الفعل اللي ممكن تصير من  
اهلي...ممكن يطردوني من البيت...ممكن امي تجيها جلطة...او سكتة قلبيه لا قدر الله...ممكن في احسن  
الأحوال...يطردون المره ويخلوني عندهم...ويمكن...ويمكن...ويمكن...!!  
مابي افكر كثير عشان راسي ما يصدع...لأنه خلقه مصدع...سمعت حركه بالمقعد اللي وري...فطالعت  
بالمرايه...شفت عبدالله المعاق...يحك عيونه وشعره المغبر...حسيت بقرف وانا اطالع بوجهه...وهزيت  
راسي بقوة عشان اشيل صورته عن عيوني...  
انت وش سويت بعمرك يا سعود؟؟؟...دخلت مع بوابات القصر الكبيرة...بعد ماشافني السكروتني اللي  
بره...وفتح لي البوابة اللي بالنص...  
سمعت شهقة مضاوي المرتفعه وهي تطالعني وترجع تطالع في المكان من حولها...وتصفق خدودها من  
الانبهار...

دخلت بين المجسمات الكبيرة للطيور الجارحة والأسود... ووقفت الجيب بخفة وانا اتهد وأقل المفتاح  
واحظر نفسي لأكبر المصابب اللي جبتها على راسي... قبل راس اهلي...!!

"هيفاء"

كنت جالسه بغرفتي... ازين مكياجى... وامشط شعري اللي كنت ملففته على فوق بطريقة حلوة...  
عندي حفل بعد شوي... ولازم اكون على اخر اناقة... خصوصا ان هذا مو اي حفل... هذا حفل رجعة رند  
من شهر العسل... اهي راجعه من اسبوعين... بس اهم كانوا يحظرون لحفل كبير عشان يشمل كل الناس  
اللي ما حظروا بالعرس...

طبعا لا تعتقدون اني استسلمت... صح ان خططي... فشلت... فشل ذريع عمره ماصار ولا استوى بحياتي...  
صحيح اني كنت ابويه يطلقها... لكن للاسف طلع هيثم شهيم وبزيادة... استغرب تصرفه الغير منطقي... رغم  
اني حبكت الحكاية... وقدرت احيك خيوط مضبوطة على قصة حبها المزيفة... شلون ماصدق خويي رغم  
انه وصف له رند من فوقها لتحتها وقال له كلام جدا قدر...

ما اقدر اوصف لكم فرحتي... لجزء بسيط نجح من الخطة... وهو الشوشرة اللي صارت بالعرس لمن  
اختفى هيثم... وراح!!

الكل صار يتكلم وينغز بالحكي عمي وبناتها وبنات عمي بعد كانت وجيههم سوود... خصوصا ان رند والله  
اعلم درت وقلبت لهم الدنيا مناحه...

عندي احساس انهم يدرون اني انا اللي وري هالمعمره كلها... بس انا مو مهتمة... لأنني اعرف انهم  
مايقدرن ياأونى ابد... خصوصا ان ما عندي شيء اخسره بعد خالد... اهم خسروني خالد... لكن انا راح  
اخسر كل وحده فيهم اغلى ما عندها لو كلفني هالشيء عمري كله... لو كلفني حياتي ووقتي وجهدي  
وفلووسي...

انا عارفه انكم تظنون اني حقوودة... لا يا بشر... انتم ماتعرفون رند هذي شلون طعننتي... شلون قتلتني  
وقتلتم اخوها بكل غباء...!! ليتكم تعرفون الحكاية عشان تعذروني... رغم اني مو محتاجه احد يعذرنى لأنى  
مقتنعه باللي اسويه!!

غمضت عيونى بقوة... ما بي اصيح... انا اليوم حطيت خطة ما حصل لها مثيل... انا قررت ولأول مرة... انى  
راح اخذ هيثم... واخليه لي انا... وانا وبس... خلاص دامنى ما قدرت ابعده عن رند بهالطريقة... فراح الجأ  
للخطة الثانية... راح اغري هيثم... واخليه يحبنى... وفوق هذا كله يمكن اخلية يتقدم لي...

بس راح يكون شيء صعب جدا انى اغري هيثم... لأن هيثم للاسف عارف الاعبي زيبيبين... خصوصا  
انه مررة اكتشف انى انا السبب فى بعد اخوه عن مرته... وهذا بعد واحد من اللي لعبت فيهم... يمكن والله  
اعلم احكي لكم عنه... بس هالحين.. ادعولي ان كل شيء يضبط...

رحت لغرفة الملابس الكبيرة حقتي... واللى كانت دواايبها باللون الأحمر المفضل عندي.. دائما وابدا...  
يقولون ان من صفات محبين اللون الأحمر الشراسة خصوصا لمن يتعلق الشيء بحقوقهم... وانا من اليوم  
بعتبر هيثم.. حقى انا وبس!!

طلعت لي فستان من الحرير الأورنج والأحمر المتداخل بقوة وبطريقة غريبة... وفيه لمعه بسيطة باللون

الذهبي...والثاني فستان ذهبي ساده...وهذا اللون...اللي احبه بعد الأحمر...يمكن لأنه بكل بساطة لون  
ملفت للنظر...

لبست الفستان الذهبي...ودرت حول نفسي في المرايه اتمل جسمي اللي مافيه اي عيب...تصدقون مررة  
قريت في مجله ان مافيه حرمه راضيه بجسمها...وينهم عني هالدراسة؟؟؟..هذا جسمي ولا افضل عارضة  
ازياء...

حسيت ان الذهبي رغم حالاته...بس ماكان مثير علي...وانا ابي اغري عريس...ومووو اي  
عريس...عريس متيم بعروسه...

مسكت الفستان الثاني...وحسيت بالقماش البارد على جسمي وارتجفت..وانا البسه..كان بدون  
اكتاف...ضيق على الصدر...بفتحه كبيرة مررة...ومن تحت الصدر واسع لحد الركب...طلع علي ولا  
احلى...لبست معه صندل ذهبي انيق عالي بكريستالات حلوة...  
وظلعت من غرفتي ورجعت للتسريحه ورشيت عطر على شعري وجسمي وفستاني...وبعد مالبت  
ساعتي الذهبية...اخذت شنطتي الصغيرة الذهبية...وظلعت عشان بنادي وحده من الشغالات...عشان  
تكوي عبايتي قبل لا البسها...

ناديت وناديت بس استغربت انا محد يرد علي...رحت للدرج اللي بنص الدور الثاني...ونزلته ببطء...وانا  
مستغربة وين البشر...حسيت البيت فاضي مافيه اي احد...وشفت باب القصر الرئيسي مفتوح على  
وسعه...ولاحظت ان فيه زحمة هناك والخدم مجتمعين ويا بعض...  
وصلت لعندهمم واول ماشافوني بعدوا عن طريقي بسرعه...طلعت وانا قلبي يعورني..توقعت ان فيه احد  
صار له شيء...هالمشهد ذكرني بموت خالد...خصوصا لمن كانوا محترين شلون يقولون لي؟؟؟..  
غمضت عيوني وانا اشوف اخوي سعود ومعه...معه...معه.....!!

" نورس "

كنت جالسه في بلقونة غرفتي...وانا ماسكه كتاب شعر...لأمير الحلم سعود بن عبدالله...شاعري  
المفضل...واميري المفضل بعد...

كنت اقرا بلهفة...واحاول اتمعن بالألفاظ الشعرية الراقية...والدرر اللي تصدر عنه.....  
تمنيت لو ربي يعطيني شووي من هالألهام...انا احب الشعر..واحب الخواطر...بس بعد تجربتي مع  
شجاع...حرمت اني اكتب اي خاطرة من جديد...

خفت انه ينقال نفس الحكى عن خواطري من اشخاص ثانيين.... " شجاع" ما علمتكم  
عنه؟؟؟صح؟؟؟...هذا شخص جدا همجي...بدون اي اسلوب حظاري...  
من الرجال اللي عندهم المرأة هي البيت والمنزل وعباية الراس...يعني المرأة اللي تلبس عباية على  
الكتف او ما تحط غطى مثل حالاتي انا وهيفاء وتروح مع السواق لوحدها هي امرأة سيئة بجميع  
المقاييس...

لمن رحنت اقبله في مبنى " اضواء" قبل شهرين..كانت السعادة تسكن كل خطوة مني...كنت امشي وانا  
حاسه بخوف بس برضه حاسه بثقة وسعادة اني راح اوريه رسائل المعجبين اللي يتهلفون على خواطري  
الراقية

... لكن..للاسف الشديد كانت كذبة...محبوكة من ثلاث اشخاص مهمين بحياتي...ديمه بنت

خالتي... وسعود اخوي... وهيفاء الحمارة...  
الصراحة لمن انكر انوا توصلهم اي رساله على المجله... انا كنت راح انجلط...  
صرخت بوجهه انوو كذاب... ايه انا عارفه اني غلظت بس غصب علي طلعت الكلمه..  
يعني مو معقول دايم تجيني رسائل تمتدحني بحرارة وبالأخير اكتشف انها تشجيع من الأهل...  
وليت اهلي اكتفوا بكذا... الا زادوا الطين بله... لمن رشت هيفاء رئيس التحرير هي وامي عشان يخصص  
لي صفحة او زاوية مثل مايسمونها بالمجله..  
الأخ شجاع كان سعيد وهو يعلمني بتمشت واضح انوا اهلي للاسف رشو الرئيس السابق وماحيقدرون  
يرشونه اهو...  
وليبيبيبيبيته اكتفى بكذا... تنهدت وانا اتذكر اسلوبه لمن طلب لي السكروتوي وطردي بدون اي رحمة...  
انا من طاحت عيني بعينه... عرفت اي صنف هو... صنف رجل الكهف... اللي المرأة عندهم لها مقامها  
الواطي...  
او كيه... صحيح اني تعبت كثير... خصوصا اني جدا حساسه... ولكني هالحين بدت اسامحهم... بس موو  
مرة.. كنت اببهم يعرفون ان هالشيء غلط واني رغم حساسيتي قويه...  
وقفت عند هالحد من افكاري بشجاع اللي لي شهرين وانا افكر فيه... ولا تعبت من التفكير بامثاله من  
هاضمين حقوق المرأة!!  
سمعت اصوات صراخ وصوت هيفاء وسعود... وماما وبابا... وهذا الأخير غريبة انوا يرفع صوته... عاده  
ما نحس بوجوده... كمان سمعت صوت بكاء طفل... انقبض قلبي بقوة.. وطاح الكتاب من ايدي... قمت  
بسرعه وربطت الروب اللي لابسته... وسويت نظارات القراءه اللي فوق عيوني... وقربت من حافة  
البلكونة... ومن بين الزحام الشديد للخدم وماشبههم تحت... واللي تجمهروا حول... حول... حول...  
سعود ومعه... وش ذا اللي معه؟؟؟...  
شلت النظارات من فوق عيوني وانا احس اني بطيح عليهم من فوق... وقررت اروح واعين الحدث  
بنفسي \*\_ \*

" مارية "

لمست شعره الأسود المبلل ببطء.. ناظرت ملامحه الجميلة الملونة... بحكم الأعراق الأجنبية اللي بجهة  
امه...  
مع هذا كان... وسيم وفوق ماهو وسيم حبيب... وفوق هذا كله يحبني... لكن مو قادرة احس بسعاده...  
من تزوجت وانا تايهة...  
ندمت اني تزوجته... وما ندمت... حبيت قهر سعود ومرارته بيوم عرسي... لكن ما حبيت اني رميت بعمرى  
عشان أقهره مع ان هذا مو اسلوبي.. لكن...  
صدمتي بسعود كبيرة... صدمتي فيه زلزلتني... ما ادري ليش سوه كذا...؟؟... ليش حب اني اعرف  
هالاشياء من الناس... من اخته اللي ذلنتني ذل... ولعبت باعصابي... وكرهتني بعمرى... خصوصا انها  
استخدمت الفاظ يا ساتر... ما حد يستخدمها في الوقت الحالي على حسب علمي... وفوق هذا كله  
استخدمت وسائل لابترازي بجميع الاشكال والالوان... ياربي ماتوقعت انه في حريم يغارون على اخوانهم  
بهالشكل!!  
تنهدت... دانما اقول ان حظي شين... لكن حبي لسعود والطريقة اللي تقابلنا فيه... نستني الحظ الشين  
واشكاله وفوق هذا اسعدتني وطيرتني بسابع سما وفوق هذا كله اه... تخيلت وتخيلت وانا وياه اشياء

لمن اتذكرها هالحين احس بقلبي ينزف بقوة... واحس انه يفقد الاحساس اللي يحبيه بالحياة....  
شفت زوجي يتحرك على السرير... خفت يشوفني سرحانه بأفكاري ويبدأ التحقيق اليومي معي... قمت من  
على السرير ورحت على طول الحمام...  
وانا بالحمام غسلت وجهي كذا مرة قدام المرايه... تذكرت جملة كان يقولها لي سعود اذا شافني وانا  
صايحه من النوم، كان يقولي وكأن... chinese girl... لأن عيوني تنتفخ فيصير شكلي فعلا مثل  
التشاينيز... حسنت بدموعي تحرقني عن هالحد... لالا ما ابي ابكي.. كافي لي فترة كل ما قمت من النوم وانا  
اصيح... حاولت اتماسك لكن بالأخير دخلت تحت الشاور بعد ما فتحتة اقوى شيء وقمت اشاهق بقوة  
واحاول اني انسى انسى... انساك يا سعود

## الفصل 6

" المريخ... واهل المريخ"

تعالوا نوصف لكم المكان قبل ما نعرف وش كل شخص من المجتمعين يفكر؟؟؟... مضايي و عبدالله  
واقفين يم سعود... والخدم مجتمعين حولهم بس بعيد شوي...  
يعني فيه مسافة فاصلة...  
هنا و عبدالعزيز اللي هم اهل سعود واقفين بعيد شوي...  
موو فاهمين وش السالفه... ويحاولون يدخلون بين هالناس عشان يعرفون ويفهمون وش سبب  
هالشوشرة؟؟؟...  
هيفاء نازلة من الدرج الخارجي...  
وعيونها شوي وتطلع بره... و نورس نازلة الدرج الداخلي بتشوف وش القصة...  
خصوصا بعد ما شافت مضايي وانفجعت...

" مضايي"

كنت اناظر العرب المجتمعه من حوالي... الصدق اشكالن ماقد شفت لها مثيل في البر... حريمن ورجال بسم  
الله عليي عيونهم صغار ومشققه... وقصار....  
كبر عبيد اخوي... وبعدين سافراتن وفاتشات وجيهن شعورهن على الرجاجيل....  
ما ظنتي يصيرن خوات سعود...  
ما فيه اي تشابه... الصدق عرب ما شفت لها مثيل...  
شفت سعود ومدري وش بلاه؟؟... ما عجبني شكله... كنه معصب...  
وكان يمسح جبينه كل شووية... ويناظرني انا وعبيد ويعود يكمل كلامه...  
عبيد اخوي مدري وش بلاه؟؟... قام يصيح علينا...  
ومسك بثوبي وشيلتي.. فضيبيحه كانت شيلتي بتطيح من على رويسى... وتبان جدابلي ووجهي قدام  
الخلق....  
سمعت صوت حرمه وكنها منخلعه (مفجوعه-متروعه) وهي تقول  
: سعودوود... وش ذا يا سعود؟؟؟...  
قطيبيبيعه... وش ذا المجغ؟؟... هاو... بلاها تكلم كذا؟؟... وليفش ماتكلم زي الخلق؟؟... يويويو... وش  
مسووية بشعرها الخبله ذي؟؟...

كانت قاصته الله لا يبلانا كله...مووو مخليه فيه الا شوية...يا دافع البلا...ما اقول غيبيبيير يادافع البلا...

حطت الحرمة يدها على صدرها وقامت تخبطه وعيونها شوية وتطلع من محاجرها...  
وتطالعني كني موب عاجبتها...وتعابني مثل سعود يوم شافني اوول....  
سعود كان واقفن قريبن مني...قال وهو يشر ( يأسر) علي...  
: ذي مرتي يمه...مضاوي..."  
الحرمة حطت يدها على راسها وكنها سمعت مصيبة...  
: وووش؟؟؟؟...لالالالا...سعوود...قوول انك تمزح معي..."  
وجودت بيد الرجال اللي كان حاط شيء على عيونه مدري وشوو بالزبط(بالضبط) وكان يطالعني مثل اللي مجودته...  
الظاهر انه ابو سعود...لأنه نفس القبلة...ونفس الدم...

" سعود "

الجو كان جدا متوتر...وحسيت بشرارت كثيرة بالجوو...  
والكلمه اللي قلتها سببت صمت فضييع...  
صمت تحس انه شوي ويفجر اذانك من كثر ماهو مرتفع...  
صمت له وجود ثقيل وكئيب...  
حسيت حتى الهوووا ثبت وماعاد يتحرك  
...الصراحه شيء يكتم على النفس اكثر ماهو مكتوم...  
لاحظت ان ابوي يطالعني ببرود...من فوق لتحت...  
وكنه مستحقر اللي سويته...  
ويرجع يطالع مضاوي وهو يرفع حاجبه بسخرية...  
وما فهمت معنى نظرتة بالمره...  
قال لي وهو يرفع صوته الجهوري  
: وش قلت... يا سعووود؟؟؟"  
كرهت اسلوبه اللي يعاملني بهالطريقة...  
حسيت اني بزر موب بالثلاثينات من عمري...  
اعرف ابوي اذا بغى يحسني اني موب قدها...  
يكلمني بهالطريقة...  
ليته مرره بحياته ينسى انه شيخ....  
ويكلما على اننا عباله موب موظفين او عبيد عنده....  
رديت بتوتر وانا اشد الكائن الصحراوي جهتي عشان ماتروح بعيد  
: معي مرتي يبه...مرتي...  
بنت اجوودية من اصل العرب...لا هي خضيرية ولا غيره...."

رد ابوي باستحقر

: يعني كسر كلام والسلام...يا سعود"

قلت ادافع عن نفسي

: يبه هذا خيارى وارجوكم مرة بس..احترموا هالخيار..تراني مووو بزر...انا رجال وش

كبري... عمري 33 سن"  
 قاطعني ابوي ببرود بغة يجلطني فيه  
 : والله انك بتظل بزر...  
 مبسوط تذكر عمرك كل شووي...  
 لكن للأسف ناسي ان تصرفاتك تصرفات مراهق...  
 روح شوووف عيال عمك...  
 رروح شوف عيال خالتك...  
 لا تفاخر بعمرك وانت ما تعرف الصبح من الغلط..."  
 تركت مضايي وانا اشوف وجه امي معرق.. وحسيت انها شوي وتتهاوي بس كانت ماسكه يد ابوي  
 بأقوى ما عندها بس نظراتها الزايغه لمضايي خوفتني... كنها تشوف بمضايي وحش... او شيء  
 مخيف... او شبييء ما عرفت افسره...  
 طردت الخدم من قدام وجهي وانا اصرخ فيهم لأنهم بدوا يتكلمون بين بعضهم..  
 "Goooo:يله.."  
 ابوي وهو يرفع خشمه  
 : وليس تطردهم... خلم يعرفون سواياك اللي تخجل وتشيب بالواحد...  
 مدري متى تكبر يا سعود؟؟؟"  
 بلغت ريقني وانا اترك مضايي واخوها المزعج اللي يصيح بأعلى صوت  
 : يبه... رجاء احترمني... رجاء..."  
 وكملت وانا ارفع حواجبي  
 : خلاص... الزواج وتم... نبي زوارة...  
 عشان كل الناس تعرف ان مضايي هي مرتي على سنة الله ورسوله...  
 او اذا تبون سووا عرس..."  
 امي وهي ترتعش وبصوت ضعيف  
 : فشلتني يا سعود.. فشلتنييي..."  
 وكملت:  
 وش اقوول للناس؟؟؟... يا فشلتني والله..."  
 ما رديت عليها ورجعت اطالع بعيون تعبانة احس هالناقش البسيط استنزفني...  
 رجعت اطالع بالمخلوق البدوي المتأصل اللي اسمه " مضايي " لقيتها تتفرج على شكل الأشجار  
 ومشغولة...  
 وشففت هيفاء اختي واقفة فوق على السلالم..  
 كان واضح عليها الأنفعال... وعرفت ان هيفاء راحت وطبي...  
 وواضح ان ردة فعلها بتكون اقوى من رد فعل ابوي وامي...  
 نزلت هيفاء بهدوء درجة وري درجة...  
 صحيح انها اختي... لكنني اعرف زين وش ممكن تسوي...  
 خصوصا اذا كان الموضوع يتعلق بمقامها عند الناس... والبرستيح حقها...  
 هيفاء وهي تحاول تماسك وتكتف يدينها قبالي  
 : وش السالفه يا سعود؟؟؟؟؟"  
 هيفاء هي الساعد الأيمن لبوي... ونفس طباعه وطريقة كلامه وقسوته...  
 قطبت حواجبي  
 : وش متوقعه بعد؟؟..  
 اللي بتخرجك يا هيفاء... اللي بتخليك تعرفين تلمين حدودك...  
 وما تتدخلين بكل كبيرة وصغيرة"

هيفاء وهي تطالع بمضاوي باحتقار يقطر من عيونها  
هه...ذي..."

واشرت ببدينها...

سمعتها مضاوي والتفتت وطالعت بهيفاء وكان واضح عليها الفجعه...حتى اني مسكت نفسي بقوة عشان  
ما اضحك رغم ان الموقف ما يتناسب..

كان واضح ان مضاوي مفجوعه من ملابس هيفاء..

حتى انها صفقت خدها كذا مررة...

قالت مضاوي بأعلى صوت

: تستري يا وخيتي...تسترري.."

سفحتها اختي العزيزة...وكملت

: لا تخليها تدخل فيني...

وبعدين...وش بعد ذا اللي معاها؟؟؟...

لا يكون اخذ وحده جاهزة بعد؟؟؟...معها ولدها وكل شيء...."

وكملت بسخرية تقطر من لسانها اللي زي السم

: وليته ولد كامل...!!!"

عصبت على هيفاء...وحاولت اني امسك ايدي...لأن عمري مارفعت يدي عليها...ولا ابي ارفعها...

بينما ردت عليها مضاوي بطيبة واضحة

: لالالا...ذا وخيي...موب وليدي...عبيد..عبدالله..."

وقالت مضاوي لعبدالله

: رروح سلم يا عبيد..."

تقدم عبدالله وكرهت انا الموقف...وكان بيتسم ابتسامه بشعه...

ويمد يده بخجل...

طالعت هيفاء فيه...وصرخت لمن قرب منها...كان واضح انها جزعانه...

الولد لمن صرخت راح جري لأخته وضمها وكان بيتسم...

ويخبي وجهه بملابس مضاوي...

مضاوي حسيت ان الموقف ما عجبها خصوصا ان نظراتها احتدت لهيفاء...

قال ابوي وهو يوقف النقاش اللي صاير

: سعود...تجمع ملابسك وتطلع هالبيت بدون رجعه..."

امي وهي ترتجف وتجي يمي

: لالالا يا عبدالعزيز...الله يخليك لا تقوول.."

ابوي وهو يرتجف من العصبية

: هناء رجاء لا تدخلين...تدليعيك وتربيتك له خرربته..."

امي وهي تضمني بقوة وانا جامد مكاني

: لا تطلعه يا عبدالعزيز..."

والتفتت علي بتوسل

: طلقها يا سعود...طلقها هالحين...

ولا من شاف ولا من درى...بكل بساطه..داري عنا الفضيحة الله يعافيك..."

قلت لأمي ببرود

: مضاوي زوجتي لآخر العمر...

ماراح اطلقها لو تنطبق السما على الأرض...

واذا على البيت بيه...انت ناسي...ان الملحق بكامله لي؟؟؟...

وانت ناسي ان هالقصر كله...مكتوب بسمي انا.."

ابوي بعصبية  
: وش قصدك؟؟ يعني بتكسر كلمتي...  
ولا ناوي تطردنا"  
رديت على ابوي بأدب  
: لا يا ييه...ماعاش من يطردك...لكن وين ارووح؟؟..  
والناس وش تقول عنا؟؟?"  
رجعت امي تضميني بقوة  
: سعود...يا سعودوود...دخيلك...يا ولدي...لا تفشلنا.."  
قلت لأمي بعصبية وبترريقة وانا اطالع بالمخلوق البدوي المتأصل اللي يطالعنا...  
: يمه وش فيها مضاي...  
شوفوها...بنت اصيلة صاحبة اصل عرريق..من قبيله معروووفة...  
ابوها عنده حلال..."  
طالع فيني الكائن البري العجيب وشكلها ما انتبهت للسخرية اللي بصوتي...  
وواضح انها انبسطت...  
حتى واضح يوم رفعت راسها بطريقة خلنتي ودي لو اجي واخنقها قبل اهلي...  
بس لا تحمل يا سعودوود..تحمل اهلك..تري هانت...  
بعدت عني امي...وقالت وهي تهز راسها بعصبية وترتجف:  
لا انت ولدي...ولا انا امك..  
لو ما طلقتها هالحين يا سعودوود..هالحين..."  
رديت وانا اطالع ساعتني  
: انا بروح غرفتي...هالحين..عن اذنكم تعبان...  
يله مضاي.."  
لحقتني مضاي وهي تمسك اخوها وتجي وراي...  
وتركت كل اهلي...وحتى نورس اللي كانت واقفه عند الباب...  
سفحتها ودخلت بدون اي كلمه...

" نورس "



طالعت وانا مفجوعه بسعود اللي كان ماشي ومعه وحده...  
ما اعرف من وين جابها؟؟..بنت مرررة مرررررة شكلها وووعع...  
لايسه يامامي...  
بررقع قدييييييم وفيه قرووش كبار وجنيهات...  
مررة يخوووف...  
وكان معها طفل صغير...  
شكله يا حرام...شكله معاق..وهالشيء واضح من وجهه ويده القصيرة...  
بس ليسه قدييييييم...ثوبه اصفر...ولايس تحته...

مدري وشوو..يعني الصراحه وعععع.....وشعره وسسسخ مرررة...  
وريحته مررة شينه...كأنها ريحة حطب ونيران...  
يعني الصراحه...اووووووه مابي الوع كبدوكم بالوصف..  
اعتقد الصوورة وصلت كامله لكم...  
سفهنى سعود وما قال شيء لي...وكان واضح انه شوي وينفجر...  
انا ما اهتميت فيه هو والأشياء اللي تمشي معه..  
رحت ركض لماما اللي كان واضح انها تعبانه مررة وهي جالسه على الدرج..وماسكه هيفاء يدها وشكل  
هيفاء دمار خصوصا عيونها اللي مليانه دموع...  
من زمان ما بكت هيفاء على حسب علمي...  
استغربت هالشيء...  
قلت بتوتر

: وش القصه؟؟؟...وش فيه سعود؟؟؟..وميين..هاللي معه؟؟؟.."  
رد ابوي بعصبية وهو ينتفض وحاط مشلحه الشفاف على يدينه  
: مين اللي معه يعني؟؟..القررف اللي معه مرته..مرررته.."  
مرته

مرته

مرته

كانت قوية...حسيت اني بدوخ...طحت جالسه على الدرج...  
اكيد يمزحون عليي...الا صح وش تسوي مع سعود؟؟؟..  
وليش دخلت معه جوه؟؟؟...  
والولد وش يكون لا يكون ولده؟؟؟...  
صرخت بهستيريا

: والولد؟؟؟...لا يكون ولده..."  
ردت امي بسرعه

: لاء...هذا اخو...اخوها..."  
ونطقت اخر هاء بقرف واشمنزاز....

قلت بخوف

: وش بنسوي؟؟..وش بنقول لجماعتنا؟؟؟...وشوو؟؟؟"  
ردت هيفاء بقلق

: وش نقول؟؟؟...لازم نسوي شيء...ماينفع نوقف ساكتين كذا..."  
ابوي وهو يوقف

: وش نسووي؟؟؟...هذا سعود رافض يطلقها...  
ولو اخذناه بالعناد ماراح نجيب نتيجة...."

قلت بتهور

: خلاص نزرجه مارية..."  
صرخ ابوي فيني بعصبية

: البننت متزوجه..وش نسووي؟؟؟..نطلقها من رجليها؟؟؟.."  
قلت باسف

قلت باسف

: ماكنت دارية..."  
وكملت بخوف

وكملت بخوف

: لووو...يصير...ان..."  
وبلعت ريفي بتوتر وكملت

وبلعت ريفي بتوتر وكملت

: لولو لا قدر الله...الناس عرفت ماراح يكون لي وجه اقبالهم...وش اقول للبنات اللي يجون يزوروني هنا؟؟؟...وماما وش راح تسوين مع ضيوفك؟؟؟...اووه...والله فششلة...ياربيبيبيبي..."

هيفاء بتهور

: لازم نداري الفضيحة...بأي طريقة..انا لازم اطلع حل..."  
والتفتت على ابوي بشراسه

يبه..نقدر ناخذها ونردها لبيت اهلها بدون سعود ما يدري...

اكيد نقدر على شيء...اوو انا نرشي اهلها او.."

قلت بعصبية

: موو كل الناس تجي بالفلووس!"

ماما بخوف

: لالا...حرام عليكم...وش ذنب البنت نرميها بها بطريقة؟؟...مسكينه...لالالا...لازم نلاقي حل ثاني...عشان ربي ما يعاقبنا..."

وسكتنا بعد جملة ماما...

ذنب البنت انها وافقت على سعود...

ذنب البنت انها تهورن وجات ويا سعود...

ذنب البنت بكل بساطة مو برقبنتا برقبة سعود...

بس ما افصحت عن افكاري...خصوصا وانا اشوف النقاش يوقف عند هالنقطة...واشوف ابوي يرد على جواله ويروح بعيد عنا...

اما ماما قامت من مكانها...بمساعده هيفاء وقالت

: انا بروح اغير ملابس عشان اجيي وياك يا هيفاء...يمكن تكون اخر مررة اشوف فيها جماعتنا العزيزة..."

ردت انا بخوف

: لا تتركوني لوحدي معاها..تراني اخاف..."

هيفاء ببرود: اقللي على نفسك باب الغرفة...تري اخوها يفجع.."

ردت ماما بعصبية

: هيفاء..قولي يا رب لا تبلانا...موب اخوها يفجع.."

سكتت هيفاء عشان ماتعصب عليها ماما ودخلت هي وياها البيت...

اما انا وقفت بمكاني اراقب انوار القصر وهي تفتح وحده وري الثانية بحركة متناسقه...

وبدت الأنوار تنتشر بالمكان داخل الحدايق الكبيرة....

نزلت من الدرج..ومشيت شوي وانا اشد روبي الحرير على جسمي..

وطالعت فووق على بلكونه اخوي سعود.....

زوجته...زوجته....انتقامك قروي يا سعود...والله انه قروي...

تذكرت قبل فترة...

لمن جانا سعود...واحنا كلنا متجمعين بغرفة المعيشة....

وبابا كان معنا ونادرا مايكون ويانا...

كانت الفرحة واضحة على وجهه....

عيونه تشع بنور غريب...ووجهه منور...

وطالع اكثر وسامه من هالحين مية مرة...

سعود وهو يجلس معنا

: يمه..ابي اعرس..."

لاحظت ان ماما رفعت راسها بنعومة  
: هذي الساعه المباركة... مين تبي؟؟؟ عندك ديمه بنت خالتك..و..بن"  
قاطعها سعود بأدب  
: يمه قلت ابي اعرس...بس ماقلت ابي ديمه.."  
هيفاء باستغراب  
:وش فيها ديمه؟؟؟...فيها حلا موب غيرها.."  
قلت انا بحماس  
: واو انت و ديمه بتكونون احلى طقم.."  
ضحك سعود على كلمتي  
:ههههه... شايقتنا ابريق شاهي وفناجيل...لا يا عمري..."  
وكمل وهو يجلس جنب امي ويبوس راسها  
: يمه انا اخترتها وخلصت.."  
رفع راسه بابا اللي كان يقرأ جريدته  
: وشوو؟؟؟...اجل ليش جاي وتعبان ومعلمنا؟؟؟..."  
سعود بأدب  
: الله يهديك يبه...مين اللي بيخطبها لي غيرك انت والوالده!!"  
بابا بعصبية  
: طيب..وش تصير؟؟؟..شلون عرفتها؟؟؟..بنت مين يا... ولدي؟؟"  
وضاف اخر كلمه بسخرية...وهذا حال بابا مع سعود..  
سعود وهو يحك شعره بتوتر  
: اهي بنت ال...، ناس طبيين على قد حالهم...لك"  
بابا لاحظت ان ايده تجمدت على الجريدة...  
وحسيت انه توتر مرررة...واستغربت ان هذا الشيء...  
انا اعرف ان هالعائلة خضيرية...  
بس موو نهاية العالم...  
هيفاء عيونها برزت قدام  
: وشوو؟؟؟...على قد حالهم؟؟؟..سعود انت نسيت احنا مين؟؟"  
سعود وهو متضايق  
: عادي..هذا خالد بن...  
تزوج بنت عايلة عادية وفقيرررة وما صار شيء...  
هذي مرته مافيه احلى منها بعين الكل.."  
ردت هيفاء باعتراض  
: بسس شوف الكل شاره عليه...  
حتى امه وهي تعززنا تقول...  
والله اني مفتشلة ارسل لكم كرت عشان تقرون هالناس...  
اللي مدروا من وين طلغوا؟؟؟..."  
ماما بتأييد لكلام هيفاء  
: بعدين انت يا سعود..الكل ينتظر عرسك من سنين...  
وبالأخير...تروح تزوج وحده من ال..."  
سعود وهو يوقف  
: لييتني ماقلت لكم...  
سبحان الله انتم عايلة غريبة ظننت انك بتتبسطون لأنني بعرس...

ومع هذا..."  
وقف بابا بعد وقال بنبرة ما تحتل النقاش  
: سعود..ماله داعي للفضائح...بعدين شلون تعرفت على هالبنت اساسا؟؟؟..  
لووو هي محترمه ما كان جيت وانت تقولنا عنها؟؟؟..  
سعود بعصبيه  
: والله انها محتررمة وبريئة...ووووو..  
تدخلت انا بخجل  
: سعود..احنا ماقلنا شيء...نبي لك الأفضل وبسس..  
سعود وهو يغمض عيونه ويضغط عليها..  
عشان ما يرفع صوته على ماما وبابا..  
وهي حركه متعوده منه اذا عصب  
...عشان يتحكم بعصبيته..  
: انا طالع...مع السلامه..  
ورحل سعود لكن الزوبعه بقى اثرها..  
وبدت تخطيطات هيفاء وماما..  
وتدخل بابا بالموضوع..  
ولاحظت انه صار اشد منهم..  
وانا حاولت اني ابقى على الحياد..  
خصوصا اني شفت لها صور بمرسم سعود..  
والبنت حليوة وما ناقصها شيء...وشكلها تعرف الذوق..  
انا ما تابعت معهم الخطط..  
لكن اللي انا استغريته ان هيفاء بعد كم يوم جات لسعود تبشره انهم وافقوا  
...وان ما عندهم اي اعتراض..  
كان هذا اخر شيء اذكره من السالفه كلها لأنني اكرر..  
ماكنت مهتمة مرة بالموضوع..  
بس شكل هذي كانت مجرد كذبة..  
عشان تضرب هيفاء ضربتها وتخلي البنت اللي اسمها مارية تروح بدون رجعه..  
على العموم ما حد يدري وش قالت هيفاء بالضبط للبنت وختها تنسى سعود...وزي ما اكتشفت قبل  
شوي..  
البنت ماكتفت بكذا تزوجت..  
عشان تطعن سعود وتقهره...و سعود مسكين ماله شغل بالموضوع كله..  
الله يعني على انتقامك يا سعود يا اخوي..

مضاوي بالصاله ويا سعود..  
بيطلعون المصعد..  
لأن غرفة نوم سعود بالدور الثالث..  
ومضاوي تتأمل الأثاث اللي حولها بانبهار وخصوصا الكنب والتحف..  
وانتم تصوروا كيف العالم بيكون غريب من حولها؟؟..  
مافيه شيء تعرف اسمه..  
ولا تعرف الغرض من اي شيء..  
القصر هذا بالنسبة لها مثل المريخ بالنسبة لنا..

كل شيء مبهر...  
سواء لبس او اثاث او ناس...  
العالم كله والبشر من حولها غرباء اشكالهم "عجيبه"  
وواقفه تطالع وعيونها شوي تبرز من محاجرها...  
و سعود موب يمها ينتظر المصعد يفتح له...

" مضاي " "

لحقت سعود وانا الصديق متعجبه من الكلام اللي صار قدامي قبل شوية...  
يعني هالحين...  
سعود ما قالهم انه يبي يعرس...  
ولا قالهم انه يبي يتجوزني!!  
هاو...اجل وشلووون جمع المهر؟؟؟...  
انقهرت بالحيل منه...  
اهو ما دخل براسي..  
ماش مووو مثل الرجاجيل اللي عرفتهم قبل...  
فيه ضعف حتى انه البننت اللي مييب لابسه شيء تستر فيه جسمها رفعت صوتها عليه...  
ولووو لو هو من الرجاجيل اللي اخبر..  
كان رمى عليها شماغه وقالها تستر وما تكلمه الا وهي ساترة ومحتشمه...  
لأن حشمتها من حشيمته...  
بس ما اقول الا مالت عليكم يا رجاجيل المدن...  
بس بيني وبينكم...ضاق صدرري عليه وعلى حالي...  
يعني هالحين انا لزووم اكون المره السنعه...  
اللي تسنع جوزها وتخليه فارس ماله مثيل...  
وهالشيء يبي له صبر...ويبي له بالن طووويل...  
اطووول من ليل الصحاري اللي كانت عايشة فيها...  
الله يعنيك يا مضيوي...خذيكي لك مره...موب رجال ينشد به الظهر!!  
شفت الحريم الللي اول...وهن يدخلن الدار...  
طالعوني...ومشن وخنني ورقن اللي مدري وش اسمه؟؟؟  
...الموووهيم...  
التفت على شين غرررريب...  
مشاء الله...وشش ذا الزيببيبيبين؟؟؟  
...شهقت وانا اشوف اشيانن عجيبه قبالي ووراي...  
وكل مكان حولي...اغراضن زوينه...مدري وش غرضها؟؟...  
اعجبنتي بالحيل...وقمت اتاملهن...يا سبحان الله...  
مدري لمعات مثل النجووم باللليل  
( ( تطالع بمجموعة تحف كريستالية لماعه على شكل ناس وحيوانات مختلفة... ))

قمت اتلمسهن...بس بعد ما تاكدت ان سعود موب يمي...ومسكتها يا مشاء الله...وضغطت عليها...قوووية حبييل...ايه ذا الزين...طيب...وش يسووي هالغرض؟؟...قلبتهن بين يدياتي...ويوم طفشت منها رميتها على الأرض ومثيت وري سعود و عبيد... سمعت صوت كسر...والتفتنا كلنا...ولاحظت ان الشيء اللي كان معي قبل شوي انكسر...وحسافتن عليه...كان زين!!

بحلقت بسعود...اللي كان بيبي يكفخني بس ماسكن يده...حط يده على كتفي وسحبني بقوووة...بعدت يده بقوة...ياكرهي له...بيسووي فيها مرجله علي... : اقوووول...اتركني..."

سعود وهو ينهرني

: اشش...يله ادخلي هنا...مابي صوتك يرتفع فاهمه؟؟?"

قلت وانا انفض يدي مكان لمستته اللي احرقنتي

: وشووو؟؟؟...ماتبيه يرتفع...ها؟؟؟...اقول قووول..

هالكلام للي اول منثبرات...تري افلح"

شفت عرق ينبض بجبينه...مسكني ودفني بقوة جوات شيء... ومدري وش قام يضغط....

الشيء ذا انقفل وانا حسيت بقلبي بينقز من مكانه...

مسكت يد عبدالله بخووف...

وشوو ذا؟؟؟...كنت اشوف الأرض وانا نبعد عنها...

فقلت اصارخ وانا منخلعه بجد...بيبي يذبطني هالخبيل...

: ياووووو....

ياويلي....بيذبطني..يا اهل الدار...."

سعود التفت علي...وحط ايده وضغط علي فمي...

وانا احاول اعض يده...واخيرا قدرت عضيت يده بقوة...

شال يده بسرعه مني...وشكله تعووور...

: احسسن..."

قمت اخبط الجدران ذي اللي من حوولي...

عبدالله كان يطالعني ويضحك...

وقهرني...اخته بتموت وبتندبح...ويضحك..حسابك بعديين يا عبيد...

كلها لحظات بس...شوي يوم فتح لنا الشيء ذا من جديد...

ركضت بره بسرعه..

كأني لقيت الفررج...للضيق اللي كان كاتمني...جا وراي سعود وعبيد...

مسكني سعود مع رقبتي بقوووة...ياكرههيي له ذا الرخمه...

يسترجل عليي...والله لوريك يا سعيدان...اه...

كنت ابي اصرخ بس ما قدر لأنه حط يده على فمي ودخلني من باب كبير وش زينه...ياحلووو

اغراضهم....

كل شيء عندهم وسيبيع وكبير...

في غرفة النوم حقت سعود...غرفة جدا فخمة...كبيرة مكونة من ثلاث اجنحة...وفيها غرفة ملابس

وجاكوزي وساونا...وحمام ملكي من الدرجة الأولى....

لون الأثاث مشمشي وذهبي غامق....والسرير كبير بأربع اعمدة...تغطيه ستائر فخمة من الدانتيل...

والغرفة عموما مشمسة لأن كلها شبابيك طويلة من اول الجدار لآخره...وعليها ستائر شيفون خفيفة...

اول جناح هو اللي ينام فيه يعني الجناح الرئيسي...وثاني جناح عبارة عن مرسوم مصغر جدا بدل المرسوم الخارجي....وفيه مكتب خشبي فخم....وثالث جناح غرفة جلوس صغيرة بشاشات عرض بلازما كبيرة مرة....

" سعود "

طرح الكيل من اول كم ساعه...شلون بتحمل هالبننت...ما راح اقدر اتحكم بنفسى...انا عمري ما طقيت احد ولا عمري عاملت بنت بخشونة...ومع هذا حظيت حرتي بهالصحراوية.... قاهرنتني فيها طفاقة لقاافة وفوق ذا كله توقعت اني تزوجت وحده ضعيفة... الا طلعت جني مصور...  
مدري شلون بفتك من شرها الفترة اللي جايه....  
طالعتها وانا احس بالدم يتصاعد بجسمي ويفور ويغلي....  
كانت هي واخوها يتفحصون كل شيء...يتفحصون الستاير...الشبابيك...السريير..كل شيء..  
"صدق ناس ما شافت خير!!!"قررت اني اكلم احد من الخدم عشان يجيبون عامل يركب حديد على الشبابيك...اخاف تطيح هالهبله منها....  
قررت ادخل اخذ شاور وانسى مضايي وعشر مثل مضايي ولو مؤقتا...  
مع اني اشك ان هالشاور بيريحني...  
قلت بعد ما اخذت نفس عميق  
: مابي ارجع والقاكم قالبيين الدنيا...."  
ناظرتني مضايي ببرود وصدت اقسام بالله اشك انها فهمت وش انا قلت...حسيت اني اغلي...بس تركتها...  
...فتحت الموية عشان اعبي حوض البانيو الكبير.... سمعت صوت ضحك عبدالله...  
طلعت اطل عليهم اشوف وش هم مسووين..  
لقيت عبدالله يتقلب على السريير حقيقي مبسوط...  
حسيت بغثيان...شلون راح اقدر انوم على ذا السريير...  
لازم اخلي الخدم يغيرون المفارش...  
اففف...لوو بس اقدر ادخل سرير ثاني لمضايي...يعني حرام تنووم على الأرض...  
ولا اقوووول...وش هولة التعب يا سعود؟؟...تراها متعودة على الشقى من صغر سنها...  
يعني نوم الأرض ما يضرها...وبعدين يقولون نوم الأرض زين!!  
رجعت للحوض اللي عبيته...وبعد ما فصخت ملابسي...تمددت فيه براحة...وغمضت عيوني ابي انسى...انساك يا مضايي...وانساكم يا هلي...والأهم...انساك انتي...حبيبتي... "مارية"  
تذكرتها...برزت لي وسط الضباب...ناعمه...رفيقة...تميزها طفولتها...  
كانت تعجبني مشيتها اللي فيها من الطفولة شيء كشيبيير...  
كانت دائما تحرك رجولها بطريقة راقصة وتنط لمن توقف جنبي...تقول عشان توصل طولتي!!  
كانت تكره المطر...وتتخبى منه...تحت جاكيتي...ونروح لمقهى...  
ونشرب القهوة الحارة وعيونا ذايبة ببعض...ما ننطق...نحب سكوت بعضنا..  
احب اتأمل ابتسامتها الشقية...عيونها الصغار اللماعه...

خشمها العادي اللي عليه حبات نمش كثيرة...  
فتحت عيوني عن هالנקطة.. مو قادر اتذكرها اكثر...  
غسلت وجهي بالموية الحارة اللي بالبانيو كذا مرة...  
قلبي قاعد يدق بسرعة.. دقاته تطاير من مكانها.. احس اني بموت...  
احس بكتمة...

صرخت بصوت مكتوم وانا اضرب الموية بقبضتي: لبيبيبيبيبيش؟؟؟.. ليش يا  
بيه؟؟؟.. لبيبيبيبيبيبيبيبيبيش يمه.. هيفاء.. نورس؟؟؟.. لبيبيبيبيبيش؟؟؟"  
ضربت جيني بقوة.. ما قدرت احميك مارية من هالذياب اللي حولي.. ما قدرت...  
.. اجرحك.. وقطعوك.. وتسلاوا باهنتك.. وانتي كنت واقفة هناك... بلا حول ولا قوة.. ليش كنتي  
طيبة؟؟؟.. ليش انتي طيبة؟؟؟....

اللي هويته طيب تايه الراي  
تروح به كلمة وكلمة تجيبه  
يبكي الى من جابو الناس طرياي  
ومن الغلا دمعات عيني قريبة  
وما يلتفت للعين لي صار وياي  
كني غريب عنه ماني حبيبه  
في حيرتي خايف على عمري الجاي  
وش ينتظر عمري وش اللي يصيبه  
ليته يعرف انه غدى نور دنياي  
يمكن يشنت حيرتي واهنتي به  
واعرف على درب الهوى موقع اخطاي  
وارتاح من هم الليالي العجيبه  
اللي معاها في الهوى طال مسراي  
ومنها جروحي في ضميري عطيبه  
"عبدالله الرشود"

رجعت بذاكرتي لوراء... لذاك اليوم... اليوم الأول لعلاقتي بمارية...  
كلكم عارفين كيف ربي قدر لقانا...  
كانت الصدف ورا الصدف تجمعنا بطريقة غريبة...  
وكأن فيه شيء يشدنا لبعض... رغم اختلاف مستوانا الاجتماعي...  
واختلاف اشياء كثيرة بينا... بس المضحك اننا تقابلنا مو مرة ولا مرتين.. تقابلنا...  
ثلاث مرات تقريبا قبل لا تصير بينا اي علاقة..  
قبل لا تجمعنا اظهر علاقة بالوجود...  
"الحب"

اذكر كنت رايح اشترى قهوة...  
وكان فيه محل ازياء على الشارع قبال المقهى...  
ما شفتها ولا انتهت انها واقفة تشتغل على واجهة العرض...  
بس انا متعود اشترى لخواتي اللي يعجبني... وهم تعودوا اني ما اجي الا وبأيدي شيء لهم...  
خصوصا هيفاء... تعودت اشترى لها ملابس.. او شنط... او اكسسوارات...  
لدرجة اني صرت اعرف وش اختار لها بالضبط...  
وقفت قدام الواجهة.. وفي البداية ما انتبهت غير لسيقان قدامي.. وارتفعت عيوني تدريجي... بفضول....  
التورة القصيرة الفوشي.. القميص الحريري الأبيض

...وبعدين....  
وجهها...  
ما اعرف كم من الوقت قعدت اطالعها مو مصدق...  
اهي...وجهها حمر وتلبكت...وبان ان نظراتي لها اخرجتها...واحس انها ذابت قدامي مثل شمعه صغيرة....  
حتى انها نزلت من المرتفع اللي واقفة عليه واختفت من قدامي...  
انهبلت انا واستوعبت شلون موقفي كان بايخ؟؟؟...  
ركضت داخل المحل...وتهاوشت مع العاملات اللي منعوني ادخل علشان كوب القهوة اللي معي...  
صرخت بأعلى صوتي: وينك؟؟؟...لا تروحين (الله يخليك).."  
استغربت من نفسي...انا سعود بن عبدالعزيز ال....اللي البنات يجون عند رجولي اركض وري بنت واقولها الله يخليك....  
استحقرت نفسي...خصوصا انها ماطلعت لي...فطلعت من المحل...  
وانا حالف انا حتى لوو قابلتها مرة ثانية ماراح اكلمها...  
كان موقف مهين لكرامتي من جميع المقاييس...انا سعود مو اي شاب...  
انا سعود موو من الشباب اللي يركض وري البنات مثل المهبول..  
انا سعود اللي...البنات هم يجوني برضاهم  
لكن هذي غير...فيها شيء مميز...شيء لا يمكن اوصفه...  
يخليك تركض وراها ولا تمل  
فيها جاذبية الأطفال الصغار اللي يعجبونا مهم كان شكلهم...  
وبعدين حتى افكارها كانت بريئة وظاهرة...  
كنت اعتبرها مثل الوردة...صعب...صعب جدا...اني اذيتها..لأنها رقيقة..  
تصاعدت انفاسي...وحسيت اناي توترت بمجرد ما بديت اذكرها...  
وبمجرد ما بديت اتغلغل بالذاكرة وادور وجهها والقاه هو الوحيد المسيطر علي وعلى تفكيري...  
حسيت اناي موو قدر اكمل حكي حتى مع روعي...تتعبني يا ناس...ذكرهاا تتعبني...ليتنى انساها....

" هيفاء "

كنت جالسه في السيارة المضللة وكاشفه وجهي....  
انا اساسا ما اعطي الا اذا كنت حاظه مكياج كثير...  
وقتها يصير الغطا فرض من ماما علي...  
لكن في الأوقات العادية يكون وجهي وحتى شعري باينين...  
طالعت بأظفري الطويلة اللي حاظه عليهم مانكير عنابي غامق بلمعه ذهبية غريبة...  
كنت افكر بهيثم...هذا شلون اخليه يترك مرتة؟؟...لازم احط استراتيجيات قوية...وطويلة المدى...مش  
خطط سريعه...  
وكنت افكر بعد بمضاوي...شلون ارسلها للبر اللي جايه منه بدون رجعه؟؟...لازم ذي بعد...افنشها

واخليها تحرم ترجع للمدن كلها... يعني يبيلها خطط قوية... خطط رابعة... انا وماما و نورس و ديمه... بنقدر عليها كلنا...

وافكر برند شلون اخليها تندم على خططها القديمه؟؟؟... وتكره نفسها.....

وافكر بسعود... وشلون اخلي هالخبل ياخذ ديمه بنت خالتي؟؟...

واستغربت لمن طرى على بالي فجأة نواف...

وش بيبي ذا؟؟؟... نفضت راسي وكأن فيه حشرة مزعجه تدور حوله...

ماما بهدوء: وش فيك؟؟؟.."

رديت عليها بتوتر وانا اهز رجلي

: غريبة... طرى على بالي نواف ولد عمي عبدالرحمن...

مدري وش جابه على بالي..."

سكتت ماما ولاحظت انها زمت شفايفها ببساطة...

وبعد لحظات سألت بنبرة هادية

: لووو تقدم لك..."

اشرت لها بتوسل

: ماما واللي يخليك.. هالموضوع انتهى من زمان... زواج بعد خالد مالي..."

قالت ماما بعصبية

: خليني اكمل حكيي..."

قلت عشان ماترعل مني

: وشوو؟؟؟... كملي حكيك مين اللي حاظه عينك عليه؟؟.."

ضربتني ماما على كتفي

: انت و سعود مثل بعض... كان يقول مالي عرس بعد مارية... أخاف تسوين مثله وتجيبين واحد من الشارع وتزوجينه..."

وقفت كلامها شوي وهي تشوفني ابتسم وكملت

انا بسألك.. مجرد سؤال... لو تقدم لك نواف... توافقين ولا لاء؟؟؟"

سكت... وزميت شفايفي المليانه افكر... لوو تقدم لي نواف بوافق؟؟.. اكيد لاء... رغم انه يشبه

خالد... ورغم انه...

غمضت عيوني وقلت بعد ثواني وانا افتحهم وبتهور ماله مثيل

: لاء... يمكن اوفق على هيثم لو خطبني... بس نواف لاء.. وش ابي باهل عمي عبدالرحمن؟؟؟... انت

ناسية انهم ياما ادوا المرحوم..."

لاحظت ان امي طلعت عيونها وطلعتني...

: وشوو؟؟؟"

قلت بتماسك

: ماما واللي يعافيك... لا تدخلين بمخططاتي..."

ردت ماما بذهول

: هيفاء... هيثم بالذات مراح يتزوجك... يا بنتي... الرجال يحب مرته..."

رديت بقلة صبر

: راح اخليه ينساها...

انا الجمال والشباب... وهي ولا شيء...

بيني وبينها فوق العشر سنين... يعني اكيد انا اللي يجذبه... موب رند..."

وقلت اسمها بكره شديد... وانا اتذكر صديققتها الحقيرة... صديققتها اللي... اللي... اللي... ما اقدر... ما

اقدر اكمل الكلمة...

سكتت ماما... وحسيت انها تنتفض... شكلها خايفه اني انكشف... مرات احزن على ماما... لأنها تعرف كل

شيء اسويه... بس ما تقدر لا تعلم بابا.. ولا تقدر توقفني عند حدي... رغم اني احبها... بس انا لازم اكمل  
مخططي...  
هيثم لازم اتزوجه... مدري متى هالشيء توثق في راسي... لكني فعلا ابي اتزوجه... اكيد راح اعجبه.. اكيد  
ما فيها كلام...  
وصلنا عند قصر عمي عبدالرحمن بحي الورد... ودخلت السيارة حقتنا من بين البوابات... لاحظت اعداد  
السيارات الكبيرة اللي تجمعت بالمواقف الداخليه في الحدايق... لقي السواق له موقف بصعوبة... وانا  
ما عجبني الموقف اللي اختاره... وكنت راح اتكلم عليه... بس شفت نواف... فجأة.. فكرت  
شوي.. ثم... ابتسمت بخبث... وفتحت الشباك!!!

" نواف "

كنت ابي اروح لسيارتي عشان اخذ غرض....  
مشاء الله اليوم العالم كلها مجتمعه عندنا....  
عشان احتفالنا بمناسبة عودة احب اثنين لقلب الكل....  
رند حبيبتي واختي الغالية... و هيثم ولد عمتي اللي له غلا غير عندي...  
اول ما قربت من سيارتي البورش....  
لمحت سيارة اعرفها زين... طالعت فيها لثواني...  
وتفشلت لمن حسيت اني زودتها رجعت اركز عيوني على باب سيارتي...  
احس اني فجأة موو عارف افتح هالباب... طالعت اتأكد ان المفاتيح هي مفاتيحي موب مفاتيح احد ثاني...  
احس وقف شعر جسمي... وانا اسمع صوت مميز... لقلبي!!  
بلعت ريقى والتفت بعد ما حطيت على وجهي قناع الا مبالاة والبرود...  
كانت هيفاء تتادني باسمي... اول مرة احس انا اسمي حلووو...  
ومميز... وغير!!  
قربت من سيارتهم  
: هلاء..."  
قلتها وانا منزل راسي شوي...  
وعيونى تأمل ملامحها الفاتنة من تحت غطاها....  
هيفاء وهي تبتسم لي  
: نواف.. كيفك؟؟؟.."  
ردت عليها ببرود<<< هذي طريقتي عشان ما افضح نفسي ومشاعري... بخير... وش اخبارك؟؟.."  
وانتبهت ان امها موجودة فاضفت بسرعه  
: اخبارك عمتي؟؟.."  
ردت هناء بنعومتها اللي تعودنا عليها  
: انا بخير نواف... شعلومك؟؟؟.."  
ردت عليها وانا اهز راسي...  
: بخير الحمدالله.."

وظالعت بساعتي كأني مشغول...  
حسبت ان هيفاء تطالغني من فوق لتحت... احس انها فاهمة وش افكر فيه... احس كأن عيونها اشعة اكس  
اللي تكشف كل شيء...  
او جهاز الكذب... اللي عارف اني احاول اتهرب منها..  
هيفاء بنعومة زائدة:  
الصراحه نواف... انا مستحيه منك.. لكن مضطرة اطلبك...  
ودي لو تخلي احد من خدمكم يبعد سيارة من هالسيارات المرتزة قبالننا...  
يعني ما ودي امشي قدام الرجال بالحديقة عشان اوصل المدخل..."  
وكلت ببساطة وهي تأشر على جسمها  
: لبسي ما يساعد.."  
حسبت بموية تنكب على وجهي... فكرت شوي وانا اطالع بالسيارات...  
كلها لشباب العايله.. وش افول لهم؟؟... استحيت ارد لها طلب...  
ترى بس شهامه مني موب شيء ثاني... لا يرووح بالكم بعيد...  
قلت وانا ابعد  
: خلاص.. انا ببعد سيارتي... وانتم ادخلوا مكاني..."  
وقبل لا ابعد سمعت هيفاء تنادينني  
: نواف..."  
التفت بسرعه عليها وبتهور  
: سمي..."  
ردت بنعومة قتلتنني بالصميم  
: مشكوور يا ولد عمي..."  
ورجعت قفلت الشبابك... حسبت بقلبي يرف فوق... رجعت لسيارتي وركبتها وانا حاس اني بفضح عمري  
قدام هالبنات.. لازم اخطبها... لازم...

في ايطاليا...  
في نفس قرية احبابنا...  
كانت جالسه في بيتها... على البيانو اللي هو رفيقها من تزوجت منه...  
حالتها يحكي ويقول ويتمنى

اصارع الوجدان في بحر الأشواق  
في غبة تايه تمزق شراعي  
تلعب بي الأمواج والدمع دفاق  
مابين موجة نزلة وارتفاعي  
باسباب من حبه نبت وسط الأعماق  
غرس الشجر مابين روض ومراعي  
يا ماكتبت اسمه على بيض الأوراق  
وفي خافقي مكتوب اسمه رباعي  
اللي يسلي خاطري كلما ضاق  
خل على حالي شفق يراعي  
لا حل ذكره دمة الشوق تنساق  
تكتب قصيدة في حسين الطباعي  
ويا كثر ماحولي من الناس عشاق

لكن لغيره مات كل اندفاعي  
يا زين قلبي من عنى البعد مشتاق  
الحق علي ولا تسبب ضياعي

" عبدالله الرشود "

" مارية "

مشيت اصابعي بتوتر على لوحة البيانو...كنت اسمع للأصوات الصادرة منه...واحس بشيء يكتم على  
نفسي اكثر واكثر...  
عشت معه كل ذكرى حلوة...وفوق الذكرى...كل لحظة مميزة...فوق هذا كله...في كل شيء  
اشترطنا...غنينا سوا...رقصنا سوا...لعبنا سوا...اكلنا سوا...  
رحنا لأشغالنا سوا...

مافيه شيء قادر يزيحه من راسي...احس ان خياله متجذر فيني...يلعب  
فيني...وفوقها...يعذبني...يتعيني...ويتلذذ بهالشيء...  
كل شيء يذكرني فيه...كل شيء..كل الأماكن...  
ياربي هوون علي مشاعري...ياربي ساعدني اتجاوز هالمحن بسلام...ياربي اقتعني بزوجي...وحببني  
فيه....

زوجي اللي ماقصر علي بشيء...زوجي اللي اعرف انه يحبني اكثر من سعود...اللي اعرف انه يشوفني  
شمسه اللي تضوي حياته...وقمره اللي ينور دربه...  
انا اعرف زين مقامي عند سعود وعند زوجي " تركي " فيه فرق بينهم فضيع...  
بس الحب ما يفرق بين ذا وذا...

مايفرق بين زين وشين...ما يفرق بين اللي يعاملني بصدق..  
واللي كان يكذب علي...واللي مع هذا اتمنى رجعتة...ابيه يرجع...  
وانا مستعدة اترك الكل وارجع له...انا شلون قسيت عليه...يمكنه اكتشاف انه يحبني...يمكن هيفاء  
تكذب...حسيت بقلبي يعورني...

هيفاء..احقر حقيرة على وجه الأرض...سافله...  
هي وابوها وامها..عائلة وحوش...مافيهم اي رحمة...  
صدق هذي دنيا القوي...فيها البقاء للأقوى...  
تذكرت تصرفات سعود...اهو جزء من هالعائلة...رغم روعته...الا انه شبيههم...نسخه منهم...فيه  
حركاتهم وافكارهم وكل شيء...فيه حتى طريقة حكيمهم...والنظرات اللي يوزعونها على الناس اللي  
يعتقدون انهم اقل منهم مرتبة...

تتهدت وحاولت انسى سعود...وخصوصا اني اشوف تركي..توه راجع من بره...كان ماسك باقة ورد  
كبيرة...لونها ابيض...وعلبة مدورة لونها ابيض بعد...يعرف انه اللون المفضل عندي بدون منازع...لأنه  
مرة سألني...فقلت له مثل هاللون مافيه احب على قلبي...المصيبة انو...فوق هذا كله موب مالي عيني...  
ابتسمت له بنعومة وانا اوقف وازين فستاني الموف  
: اهلين.."

وخذيت منه باقة الورد اول ماوقف قبالي

: الله...وش هو له التعب؟؟؟.."

رد علي وهو يبتسم

: تعب؟؟؟!!!...اذا ما اتعب عشان عروسي...اتعب عشان مين..."

وحط ايدينه على كتوفي..بعدت عيوني عن عيونه...ما احب انه يكشفني...الصراحه تركي خبير عيون....  
يعرف كل شيء الانسان يفكر فيه من عيونه...  
تركي بعثب  
: ليش تصدين عني؟؟...مارية ليمنى هذا الصدود؟؟؟.."  
طالعه بتعجب  
: وشووو؟؟؟.."  
وخفت انه يكون مكتشف او شاك بشيء...فكملت بكذب وانا ابتسم  
: ما يحق لي اخجل!!!.."  
وكملت بنبرة طفولية  
: تراني لسه عرووس!!!...أذا تذكر!!!"  
تركي قال وهو يشيل يدينه من على كتوفي ويتراجع كذا خطوة ويتألمني  
: فيك شيء موب عاجبني.....!!!.."  
وقام يحك شعره شوي ثم كمل  
: مارية...مية مرة سألتك مغصوبة علي؟؟؟...وبرجع اعيد عليك نفس السؤال..."  
حاولت اقاطعه...بس سفهني وكمل..  
: خليني اكمل كلامي...مممكن؟؟؟"  
خفت من نبرته اللي اول مرة اسمعها...وهزيت راسي له  
: ايه كمل..."  
وقف تركي قبال شباك وقال بتوتر  
: مدري...اذا حظيت عيوني بعيونك...تتهربين مني...احسك تخفين عني شيء...  
يمكن مغصوبة علي...يمكن لسه ما استوعبتي وش الزواج؟؟؟...يمكن..."  
وغمض عيونه وخذا نفس عميق وكمل  
: يمكن تحبين غيري!!"  
فتحت فمي وطاحت باقة الورد مني...!!

" نورس "

نورس تعالي هنا....  
يمامي مينة خووف...ما راح ارواح له...ماراح ارواح لسعود..ياويلي يبي يخليني عند  
ال...monsterحقه..ما اقدر...جريت لباب غرفتي وقفلته بالمفتاح...الأمان...ثم الأمان...ما حد نافعي  
اذا مت بعز شبابي بسكتة قلبية...مممكن تسببها لي ذيك البدوية...  
مسكت جوالي...واتصلت بسرعه على هيفاء...ياربي قاعد يدق ولا ترد...و سعود صوته يعلى  
اكثر...ياربي فشلة..انا ما احب اسفه سعود...الا سعود عاد...يوؤيوؤ...موو قادرة..قلبي يفر فر من  
مكانه...الله يهديك يا هيفاء انت وماما يعني كان لازم تروحون هناك...والله اني ضعيفه عشان كذا الكل  
معطيني اشكل...  
ما ردت هيفاء...رجعت ادق مرة ثانية...ثم قررت ادق على مامبيبي...

اول دقة...

ثاني دقة...

ثالث دقة...

: الووو..."

قلتها بسرعة وانا فيني صيحه....

ماما وهي ترفع صوتها عشان الطق

: نوورس!!..وش فيك؟؟؟..."

رديت بسرعة وانا اقصر صوتي عشان لو وقف سعود عند الباب

: ماما الحقيني...تراني ميتة خووف..."

ماما بقلق

: نوورس...عيوووني...وش صاير اقلقتني...قلبي يوجعني.."

قلت بقله حيلة

: خايفه من مرت سعوود...ماما مرررة موو قادرة اشوفها...سعود يبيني اجلس يمها...انا مابي...الله

يخليك الحقيني...."

سكوووت على الخط الثاني...

: ماما...ماما...اوووه...ماما..."

ماما بصوت حازم

: لوو ما قفلتي الخط هالحين...راح اجي واكسر الباب انا عليك...روحي ردي على اخووك...و

بعدين تعالي يا ركيكة) تتريق علي!!! \*\_\*)...تراها ما تاكل ولا تعض..ادمية مثلها مثلك...روحي بسرعة

عيب تسفهين أخوك..."

قفلت ماما الخط بوجهي...واصبحت امام الأمر الواقع...

عليك يا نورس ان تثقي بقدرتك على معالجة المشاكل...سأذهب...وليكن الله في عوني!!....

اقتعت نفسي بهالحكي...وطلعت من الغرفة وانا مغمضة عيوني!!..!!

انتهى الجزء....